

# *LEBAKA LA KEREKE YA EFESO*



Morena a le šegofatše.

E ka ba mang a otlelago do—do Dodge, Dodge ye mpsha, nomoro ya laesense WX-2129, e phakile go kgabaganya mmila fale? O tlogetše mabone a bona, mabone a magolo le ohle, a tuka. Gomme ge yo mongwe yoo a otlela koloi yeo, gobaneng, o ngwegela ntle le go tima mabone a gago. E no ba ka lehlakoreng le letshadi la mokgotha, thwi go theoga Eighth Street. Ke a thanka yeo ke nomoro ya New Albany, WX-2129. Dodge ye khubedu, Dodge ye mpsha, yeo ke ka bonnyane ya '59, '60, goba felotsoko gona fao. Gomme ga se ke tsebe ge eba go be go ne yo mongwe ka fa goba yo mongwe o nno... go tšwa felotsoko. Go lokile, e bile. Gomme kafao seo ke selo se sebotse. Bjale, ga ke ye go re feela bahumagadi ba lebala seo, gobane ke a dira le nna.

<sup>2</sup> Gabotse, go botse ka kgonthe go ba morago gape bošegong bjo ka tirelong, le go ba le nako ye e kaone ye ya kopanelo mmogo go dikologa Lentšu. A le ipshina ka Lona? [Phuthego e re, “Amene.”—Mor]. Oo, yeo e lokile, re no ba le ya go makatša, nako ya go makatša. Gomme bjale re tshepa gore Modimo o tla re thuša go tšwelapele.

<sup>3</sup> Bjale, ngwanešu o ile le go tliša letlapa fa, eupša ke—ke le lekopana kudu, le no se fihle godimo go lekanelia. Kafao gosasa, gabotse, ke tla leka go le lokiša godimo fa, go le hwidinyetša godimo ka godimo le go e dira bjalo... Ke nyaka go thala dilo tša go fapania tšeou ke tla ratago go di hlaloša, kafao le ka no... gomme feela gore le be kgonthe gore ka kgonthe le a Le hwetša.

<sup>4</sup> Go bile le... Bošegong bja go feta, goba maabane go bile le, mosetsana wa ka yo monnyane, Sarah, e be e le mohuta wa go kgahliša. Mme le nna re be re lebeletše godimo ga lephephe la gagwe le lennyane; o be a ngwala dinoutsu tša ka. Gomme o bile le se sengwe le se sengwe fase feela gabotse, Jesaya le Mateo le se sengwe le se sengwe. Gomme thwi kua bofelong bja le—le lephephe, o bile le “Gomme—gomme lehu... Lebitla ga le sa na phenyo go yona, gomme lehu le bile le lebole la lona le gogetšwe ntle.” O no bae ka ba bogolo bja mengwaga ye šupago. Gomme gona yena bakeng sa go ba le “Kutollo,” o rile, “Puku ya diraurau.” Gabotse, seo se bontša ba ne kgahlego go hwetšeng se sengwe, go le bjalo, a ga ba? Ke a nagana mosetsana yo monnyane wa Ngwanešu Collins, o dutše morago fale, gomme ba ngwadile (“Raurau”? ), “Letšatši la diraurau,” Ngwanešu Neville o a bolela. O dumelana le yena. Ke a thanka bohle re swanetše go dira seo.

<sup>5</sup> Gabotse, ka kgonthe re iketlile. Nna, Morena o a šegofatša. Ke ile go ithuta mosong wo, ka kamoreng, feela thwi ka morago

ga ge ke išitše bana sekolong, le go no tla ntle lebakana la go feta; go no ba le nako ye botse. Bošegong bja go feta, ke ithutile mohuta wa thari, kudu.

<sup>6</sup> Gomme e ka ba seripagare sa bobedi mo mosong batho tsoko ba tla tlase go tšwa godimo leboa, ba re dirile...ba ntirile go rapelela mosetsana yo monnyane yoo a bego a ehwa. Gomme ke ne kgonthe Morena o tla mo dira a fole. Ba nno tla tlase, tsela yohle go tšwa Bedford, Indiana, go kgopela kgopelo gore mosetsana yo monnyane a rapelelwe nako yeo. Banna ba babedi ba be ba bile ka tirelong bošegong bja go feta gomme ba otletše tsela yohle godimo fale, morago tsela yohle morago tlase, morago tsela yohle morago gape. Ka kgonagalo bošego bjohle go otleleng. Gomme kafao, ke mo gobotse go tseba gore batho ba ne mohuta wola wa boitshepo le go dumela Modimo.

<sup>7</sup> Oo, ke letšatši le legolo leo re phelago ka go lona. Gomme re letile bjale, go mabaka a a kereke, go no hwetša bontši le bontši.

<sup>8</sup> Bjale re leka go thoma feela ka pela gannyane bošego bjo bongwe le bjo bongwe, gore re le ntšhe ka pela. Le rata seo bokaone? Gomme seo se dumelela batho bao ba swanetšego go šoma, go fihla gae gore ba kgone go ya mošomong. Bošegong bja go feta re tšwile ka e ka ba tlano, metsotso ye lesome morago ga senyane, goba bonnyane ke be ke feditše. Gomme kafao re a thaba go ba le badiredi bohole ba baeng le rena bošegong bjo. Gomme ke—ke... Ngwanešu Junior Jackson, Ngwanešu Carpenter, le ngwanaborena go tšwa kerekeng fa, le ba bangwe ba bantši mo sefaleng fa le ntle ka kopanong.

<sup>9</sup> Gomme ke boditšwe lehono gore mogwera wa ka yo bohlokwa yoo a bilego le nna ka mašemong a bodiredi, Ngwanešu le Kgaetšedi Andrew go tšwa gare ka Tšhaena, o be a le ka kopanong bošegong bja go feta. A nako ya go makatša re bilego le yona mmogo godimo ka Jamaica ngwaga wo wa go feta. Re bile le go ipshina, ke be ke le godimo legaeng la bona. Gomme nna, ge... Ke a makala ge eba Ngwanešu le Kgaetšedi Andrew o gona bošegong bjo fa ka—ka kopanong? Moago wo ga se wa no agwa, kafao... Ya, a dutše morarorago ka morago. Ke a makala ge le ka dira bontši bjalo ka go emeleta ka maoto a lena, Ngwanešu le Kgaetšedi Andrew, feela nakwana. Morena a le šegofatše. Re thakgetše kudu go le bona, Ngwanešu le Kgaetšedi Andrew. Ke ba memile go tla kgaušwi ngwagola ge ke be ke le godimo fale.

<sup>10</sup> Bjale, e se go e bolela bogoneng bja bona (ke be ke eya go bolela bontši, eupša nka se e bolele bjale), eupša bona ke se ke se bitšago baromiwa ba kgonthe. Ge ba ka fihla gosasa bošego, ebang le bona ba bolele fa feela pele re tsena. Ke nyaka le kwe se mašemo a boromiwa ka kgonthe a se rago, ge ba be ba le morago kgole kudu ka magareng go fihla ga se ba tsebe eibile ga ba ne selo go... Gabotse, bona ba... Ke a nagana e bile mengwaga le

mengwaga le mengwaga ba be ba le godimo fale, gomme ebile ga se nke ba be le bontši boka go bona sefatanaga goba terene, goba e ka ba eng gape, lebaka la mengwaga le mengwaga. Le ka fao Kgaetšedi a tla dirago borotho bja gona go tšwa go... Ka fao o tla bo duba. Gomme... Bjale, bjoo ke boromiwa bja kgonthe. Ngwanešu Andrew o bile le nalete le gare gomme o be a le ngaka, o ba rokile ge ba be ba segilwe. Gomme ke a nagana ge ya ngwana... bana ba belegwa, Kgaetšedi Andrew o be a le ka kgonagalo mmelegiši gomme Ngwanešu Andrewa a le ngaka. Ba nno itshema ka bona.

<sup>11</sup> Gomme ka gona ge maboromiwa a go tšwa... Engelane, Pentecostal Missions of England, ba rile ba be ba “tšofetše kudu go boela ka tšhemong,” (Ke tla no le botša bontši ka fao ba lego baromiwa, ba be ba sa ye go tšea setulo sa boiketlo gomme ba dula fase) ba ile morago thwi ka bo bona beng, morago ntle ka Jamaica gomme ntle fale ba dira boromiwa bjale. Ngwanešu Fred Sothmann le nna fa re bile le monyetla go yeng legaeng la bona le go ba etela, gomme a nako ya go ratega ba re bontšitšego; bo-bo bose boka Mokriste a ka ba. Gomme ke a le botša, ga ke bolele se go... Bokaone ke fe rosa e nnyane bjale go phala kgare ka morago ga ge ba sepetsé. Ke a le botša, ke bona Bakriste ba kgonthe. Gomme ke boditše mosadimogatša wa ka gore Kgaetšedi Andrew o be a le yo mongwe yo mobosebose, mosadi wa Mokriste yo mobose kudu motho a ka tsogego a kopana le yena. O no ba... semelo sa gagwe se kgolokilwe ka go Kriste, le yena; le Ngwanešu Andrew, le yena. Kafao, ke ne kgonthe ge bohle nkabe le ba bone ba ba sa tšogo emelela, ke nyakile kereke ye yohle go šikinya diatla tša bona le go ba kwa pele ba tloga.

<sup>12</sup> Bjale, gosasa, Morena ge a rata, gabaneng, re... gosasa bošego re thoma ka go lebaka la kereke le la bobedi. Bošegong bjo re thoma go lebaka la kereke la mathomo. Ke ne kgonthe Morena o re boloketše tšhegofatšo.

<sup>13</sup> Gomme elelwang, bjalo ka ge ke boletše peleng, dinako tše dingwe go dilo tše re ka no se kwane godimo ga tšona ge—ge go eya ka thutamodimo. Gomme matšatšikgwedi a ka a mantši ke a tšea go tšwa go borahistori ba ba nepagetšego, ba ka kgonthe ba se nago kgahlego go lehlakore e ka ba lefe, ba nno ngwala dintlha, e ka ba eng e bilego, se dikereke di se dirilego. Gomme ke... Nneteng, karolo ya Bokgethwa ya tlathollo, ke leka go e bea godimo fale nnamong, bokaonekaone bjoo ke tsebago bjang. Gomme dinako tše dingwe ge ke bolela ka bogale gannyane le go kgadimola ka mokgwa woo, ga ke ere ka tsela yeo. Mang le mang o tseba seo, yoo a ntsebago, gore ga ke re go dira seo. Ke no nyaka... Eupša gore ke dire ntlha e tie, o... Feela boka go kokotela sepikiri potong, ge o no se swametša fale, se ka se sware. O swanetše go se kokotela le go se rebethela, go se dira se sware. Gomme ke seo ke lekago go se dira. Kafao ga se gore ke leka go

se kwane, gobane ke bolelela dikereke tšohle tša maina le go ya pele, kafao ga go... seo.

<sup>14</sup> Ka mehla ke rile, boka go kiba dikgomo leswao. Ke elelwa mengwaga ya go feta ke be ke dutše letšatši le lengwe ge ba be ba...ba bile le go hlahlela ga seruthwana, ba tšeela dikgomo godimo ka sethokgweng, gomme ke thušitše go gapela dikgomo godimo go, se ba se biditšego fentshe ya go aroga moo Hereford Association e fudišago tr—tr Troublesome River Valley. Gomme ke be ke dutše fale le maoto a ka a lekeletše godimo ga lenaka la sala, ke lebeletše molemiši ge a be a šeditše dikgomo tše di eya go kgabola fentshe ya go aroga.

<sup>15</sup> Bjale, o swanetše go ba le...ke ge o eya godimo thotong ya mmušo, Gomme o swanetše go kgona go mediša tone ya losere pele o ka bea kgomo mo mafulong. Gomme polasa ye nngwe le ye nngwe e tšweletša losere le lentši, dikgomo tše dintši kudu, gona ba ka ba le tšona.

<sup>16</sup> Bjale, ba be ba eya go kgabola fale ka mehuta yohle ya maswao go tšona. Tše dingwe tša tšona di bile le “Bar X.” Mna. Grimes thwi kgauswi le rena fale o bile le “Diamond T,” T bofelong bjo bongwe bja taamane. Go be go na le yela “Lazy K,” thwi godimo hlogong ya Troublesome River. La rena e be e le “Turkey Track.” Feela ka tlasana ga rena go be go le “Tripod.” Gomme go be go le mehuta yohle ya maswao a eya go kgabola keiti yela.

<sup>17</sup> Gomme ke lemogile molemiši ga se nke a fa šedi go maswao ale, ga se nke a a lebelele. Dinako tše dingwe a be a le ka lehlakoreng le letshadi la kgomo, kafao o be a ka se kgone go bona leswao. Kafao e—e be e se gore o šeditše leswao. Eupša selo se tee a bego a ne kgonthe ya sona, gore ga go kgomo e ilego go kgabola fale ntle le ge e bile le theke tsebeng ya yona. E be e swanetše go ba Hereford motswalwatshekeng goba e be e sa kgone go ya sethokgweng sela. Leswao ga se le dire phapano wo kaalo, eupša e be e le theke ya madi. Gomme ke a nagana seo ke se se tla bago kahlolong. E ka se be ke leswao lefe re le rwelego, eupša O tla lebelela bakeng sa theke ya Madi. “Ge Ke bona Madi, ke tla le feta.” [Ngwanešu Branham o bolela le Ngwanešu Gene ka ga segodišantšu—Mor.] Bjale, a ke no ba phošo gannyane, Gene, a ke? Modumomorago. Go lokile... Ke neeletšano magareng ga tše pedi, a yeo ke nnete? Go lokile. Ke a go leboga Ngwanešu Gene. Go lokile.

<sup>18</sup> Bjale re ya go leka go tšwa ka pela gape bošegong bjo, gore re kgone go tla morago gosasa bošego le go tšea mabaka a. Gomme ke a le botša, go thata go nna kudu go swara morago tše dingwe tša dilo tše kgolo di letšego fase go bapa le ntłhaneng ya mmila; go no leka go di hlagliša tšohle bošegong bjo botee. Le a tseba, woo ke mohuta wa tlhago ya ka, eupša re no swanela go e swara morago gannyane fo fihla bošego bjo bongwe le bjo bongwe.

<sup>19</sup> Bjale, feela pele re thoma go bulu Puku ye kgolo, ke a makala ge re ka se no ema bakeng sa feela nakwana bakeng sa... Fetolang madulo a lena...ge re emeleta, bao le kgonago. Gomme a re inamišeng dihlogo tša rena bjale, ka tiišetšo, bakeng sa lentšu la thapelo:

<sup>20</sup> Tatawešu wa Legodimong, gape re batamela Terone ye Kgethwa ye kgolo ya Gago, re etla ntle le go šikinyega ga tumelo, gobane re a tla gobane re laleditšwe go tla. Re ka se kgone gore re a tla leineng la kereke tsoko goba kereke ya leina, goba leineng la kereke ye, goba leineng la rena beng, gobane re ka se be le kgonthe ya seo, ge eba re ka ba le theeletšo ye le Modimo goba aowa. Eupša ge Jesu a re boditše, “Le kgopela Tate e ka ba eng Leineng la Ka, Ke tla e dira,” gona re a tseba re tla Leineng la Jesu, O ya go re kwa, Tate.

<sup>21</sup> Re thakgetše kudu ge re bala bahwelatumelo ba matšatši a go feta, ka fao ba tswaleletšego bopaki bja bona ka madi a bona beng, gona, Tate, go re dira re ikwele gore re dira bonnyane kudu letšatsing le. Gomme ke a Go rapela, Morena, gore O tla swarela go se šetše ga rena—ga rena—ga rena, bjalo ka ge re le, ka ga taba ya Gago. Gomme re rapela gore O tla re tlotša bofsa ge re bala go Lentšu la Gago, le go bona tlaishego yeo e tlišitšwego mo matšatšing a go feta go dira kgoboketšo ya Kereke ye kgolo ye e hlakodišitšwego ya Modimo yo a phelago.

<sup>22</sup> Ke a Go rapela, Tate wa Legodimong, go bolela bošegong bjo ka rena gobane ga re tsebe re bolele eng; re no be re letile gomme re kgopela thapelo ye fa gobane re ka Bogoneng bja Modimo ka Kerekeng ya Gagwe, gomme re kgopela gore Moya wo Mokgethwa woo o lego bathong ba o tla kopanya maatla a Wona mmogo bošegong bjo le go šikinya pele Ebangedi ka pelong ye nngwe le ye nngwe, woo o tla re fa go ema go go swa le kholofelo ye mpsha bakeng sa lebaka leo le tlago pele. E fe, Morena, gobane re bona mohlare wa mogo o khukhusa mahlogedi a wona gomme Israele e ba setšhaba, gomme matšatši a Bantle a a nyamalala gomme a badilwe, gomme re lebeletše bakeng sa go tleng ga Molopolodi yo mogolo, Morena Jesu Kriste wa rena.

<sup>23</sup> Sepela magareng ga rena, Morena. Bjalo ka ge go boletše bošegong bjo, “O sepela magareng ga dihlomakerese,” gona sepela magareng ga rena bošegong bjo, Morena. Gomme sebotša dipelo tša rena ka ga bobo bjoo bo lego pele, gomme re fe kwešišo ya Lentšu la Gago, gobane re e kgopela Leineng la Jesu. Amene. Le ka dula.

<sup>24</sup> Bjale, bjalo ka ge ke boletše tšatši ka tšatši, ke leka go no ba le bontši kudu bo ngwadilwe fase mo pampiring ka moo nka kgonago, bja dinako, mafelo, le go ya pele, gobane ke tiragalo ya histori yeo re e batamelago. E bile histori, gomme bjale re thegela tlase, gape, re e phethena go nako.

<sup>25</sup> Bjale, Lamorena mosong le Lamorena morago ga sekgalela... goba Lamorena mantšiboa, a ke re, re bile le nako ya letago. Ke ne kgonthe re dirile. Ke dirile, nnamong. Gomme ka ga Kutollo...

<sup>26</sup> Bjale, re ithuta eng? Kutollo ya Jesu Kriste. Gomme re hweditše eng seo Modimo a re bontšhitšego kutollo le gore O be a le mang? Selo sa pele re se hwetšago, go dikutollo tšohle, gore Modimo o tsebišitše ke Yena mang. Gore, Jesu o be a se motho wa boraro wa thirinithi, O be a le thirinithi ka bottlalo. O be a le bobedi Tate, Morwa, le Moya wo Mokgethwa. Gomme yeo e be e e le kutollo. Makga a mane e boletšwe temeng ya go swana, gore O be a le Ramaatlakamoka Modimo; Yo a bilego, a lego, gomme a tla tlago; Modu le Lehlogedi la Dafida.

<sup>27</sup> Bjale re hwetša, gona, gore ka go dilo tše re ya go leka go hlakiša taba ka moka, gobane ga ke tsebe re tla tsoge re E kwele neng gape, mohlomongwe re ka se tsoge, go fihlela nako e se sa ba gona gomme e felelela ka go Bokagosafelego. Gomme bjale, bjalo ka ge ke bolela, go ka no ba baena ba bantši, barutiši ba ba nago le ditshwanelo go bolela se go mphala, gomme ka kgonagalo ba ka bago le tlhathollo ye kaone ya yona, eupša Modimo o e beile pelong ya ka go e dira gomme kagona ke tla ba moikaketši ge ke sa bolela feela tlwa se ke se nagannego se be se lokile. Le a bona? Kafao, ka mehla ke—ke nyaka go apoga pele ga Modimo, dinakong tšohle, gore “ga se ke efoge,” bjalo ka ge Paulo a boletše, “go le sebotša mosegare le bošego, ka dikeledi, gore kereke e be boemong nako yeo.” Ge go ka ba le e ka ba ofe a lahlegilego, madi a se be godimo ga diatla tša ka, gobane ke nyaka go apoga go madi a batho bohole mo nakong yeo. Kafao ge o fapania, gabaneng, ke gore, feela ka tsela ya bogwera ye botse, yeo e tla no ba kaone. Bjale, eupša, mohlomongwe Morena o tla utolla se sengwe seo se tla re thušago bohole, mmogo.

<sup>28</sup> Bjale, selo sa pele, re bona gore O ikutolotše Yenamong. Bjale re a kwesiša ke Yena mang.

<sup>29</sup> Bjale, pele go theoga, bjalo ka ge ke dirile setsopolwa sela ka ga go fafatša, le kolobetšo leineng la “Tate, Morwa, Moya wo Mokgethwa” go beng kolobetšo ya Katoliki gomme e sego ya Protestant goba kolobetšo ya Testamente ye Mpsha, ke a holofela ke hlakišitše seo. Gomme ke kgopetše motho e ka ba mang yoo a ka mpontšhago sengwalwa sa Lengwalo moo e ka ba mang a kilego a kolobetša ka Beibeleng goba go fihlela Khansele ya Laodikia moo ba bopilego kereke ya Katoliki, moo e ka ba mang a kilego a ke a kolobetšwa leineng la “Tate, Morwa, Moya wo Mokgethwa,” hle etla o mpontšhe. Gomme ke tla bea mokokotlong wa ka, “mopropfeta wa maaka,” gomme ka ya go kgabola mokgotha. Bjale, ke no dira yeo... e se go ba thata, eupša go le bontšha gore ke Therešo. Le a bona?

<sup>30</sup> Bjale, gona Beibele e a Mo utolla fa, gore ke Yena Ramaatlakamoka Modimo, nama magareng ga rena. Le a bona? Ga go Tate, Morwa, le Moya wo Mokgethwa; ga se badimo ba bararo, goba Modimo o tee a ripagantšwe mafelong a mararo. Ke Modimo o tee yoo a šomago diofising tše tharo: Botate, Bomorwa, le Moya wo Mokgethwa. Modimo a theoga go tloga serapeng sa Edene, a leka go dira tsela ya Gagwe morago ka dipelong tša batho, go phela le go ba bärwa le barwedi ba Modimo gape le Yena. Yoo ke Modimo ka godimo ga rena, Modimo le rena, Modimo ka go rena. Yeo ke phapano. Le a bona?

<sup>31</sup> Gomme bjale dilo tšela, gomme Beibele e utolla seo gomme ka botlalo e se boletše ka go tema ya 1 ya Kutollo; e lego Puku e nnoši ka Beibeleng, ka go Testamente ye Mpsha, kgoboketšo ka moka ya Testamente ye Mpsha, ke Puku e nnoši yeo Jesu a beilego leswao la Gagwe mong godimo ga yona. Gomme O rile, mathomong a Yona, "Wa lehlogenolo ke yoo a balago le yoo a kwago." Gomme mo bofelong, O rile, "Ge motho e ka ba mang a ka tloša karolo efe ya Lona, goba go oketša e ka ba eng go Yona, yo a swanago go tla tšewa, karolo ya gagwe, go tšwa Pukung ya Bophelo." Kafao ke thogako go e ka ba mang go tloša e ka ba eng, ye ke Kutollo ye e feletšego ya Jesu Kriste. Kafao ge re Mo dira ba bararo, le tseba se se diregilego. Le a bona, leina la gago le tšwela ntle.

<sup>32</sup> Gomme ga a gona, ga go Protestant, ga go kereke ya peleng e kilego ya dumela badimo ba bararo. E bile taba e kgolo go Nicene Council, gomme bobedi bja bona ba ile ka makaleng; ntle ka tsela *ye*, ge go bolelwa. *Mathrinitarian*, batho ba boboraro bao ba dumetšego go thrinithi, ba mafelelong ba bopilego kereke ya Katoliki, ba ile go thirinithi ya go felela, ba dira Modimo "ba bararo" batho. Gomme go bile le ba bangwe bao ba dumetšego gore Modimo o be a le "o tee," gomme ba ile ka lehlakoreng le lengwe go *bobotee*. Bobedi bja bona ba phošitše. Modimo a ka se...

<sup>33</sup> Jesu a ka se be tate wa Gagwe mong, gomme ebile Jesu a ka se be le tate gomme Yena a le... go tla ba badimo ba bararo. E—e ka se šome. Gobane ge A ne Tate, gomme tate ke monna yo mongwe ntle le Yena, gona O bile le... gomme Moya wo Mokgethwa ke yo mongwe, ke Yena hlaba. Beibele e boletše gore Moya wo Mokgethwa e be e le Tate wa Gagwe. Gomme ge re ne Moya wo Mokgethwa, gona ga se Moya wo Mokgethwa, ke Tate ka go rena ka leina la Moya wo Mokgethwa, a šomiša ofisi ka go rena, gobane e kile ya ba motho a bitšwago Moya, gomme o tla morago gomme O ka go rena bjale, Jehofa Modimo wa go swana. Le a bona?

<sup>34</sup> Ga go ne badimo ba bararo. Badimo ba bararo ke sehetene le bohetene, gomme bo tlišitšwe godimo. Gomme ge le ka no dula go kgabola beke gomme la se kgetholle, eupša la šetša, ka e tšeа, histori. Tšeang dihistori tša go swana ke dirago goba

e ka ba mang, histori e ka ba efe. Feela a re e tsebeng, gore dihistori tšohle di dumelana go swana. Bona borahistori ga ba ne selo go dira le lehlakore e ka ba lefe, ba no ba le kgahlego go bolela dintlha, se se diregilego. Gomme šetšang tlwa ka fao seo se khukhunetšego ka gare go kgabola Luther le go go tšwela ntle ka Wesley, gomme morago sa senollwa mo matšatšing a mafelelo, kolobetšo leineng la “Tate, Morwa, le Moya wo Mokgethwa.” Nno šetšang moo e tlidego ka go kereke ya Katoliki, mo Lebakeng la Leswiswi, go tšwela ntle ka Luther, tlase go kgabola Wesley, eupša magareng ga Wesley le ya Laodikia (mo bofelong) e be e swanetše go senolwa. Yeo ke nnete. Bjale, gomme ye ke histori yohle, gomme e sego feelsa histori, eupša ke Beibebe.

<sup>35</sup> Gomme bjale, bošegong bjo, re batamela Mabaka a Šupago a Kereke, tše e bego e le dikereke tše šupago tše di bego di le ka Asia Minor mo nakong ya go ngwalwa ga Puku. Dikereke tše mo nakong yeo di swanetše go ba di bile le dimelo tša mabaka a kereke ao a bego a etla, gobane gore... Go be go ne dikereke tše dintši go feta tše, kereke ya Bakolose le tše dingwe tše dintši mo nakong yeo, eupša Modimo o hlaotše dikereke tše ka lebaka la dimelo tša tšona.

<sup>36</sup> Bjale, re hwetša gore Yena a eme magareng ga dihlomakerese tša gauta tše šupago, O bile le dinaledi tše šupago ka seatleng sa Gagwe. Gomme dinaledi tšela tše šupago, O rile, ka go temana ya 20 ya tema ya 1, gore “Ke barongwa ba šupago go dikereke tše šupago.”

<sup>37</sup> Bjale, ka Beibeleng ga se ba kwešiše Kutollo ye. Gobane, ke botse bofe go tla ba dirago go šetša le go leta ge eba ba tsebile go tla ba mengwaga ye dikete pele Jesu a tlie? Ba be ba se ba fiwa.

<sup>38</sup> Gomme ke re go ye, go lena batho fa, lena batho ba Katoliki, go lena Malutheran, go lena Mamethodist, le go ya pele, go be go se gwa fiwa Martin Luther, Seetša seo se lego go Lentšu lehono. Ebile ga se e fiwe John Wesley. John Wesley o rerile ththatso yeo Luther a e fetilego. Gomme Seetša se tla ge re ne tlhoko ya Seetša. Modimo o a Se bolela, gomme ga se Se bulwe go rena gobane Se utame mahlong a rena go fihlela letšatši leo Modimo a kgonago go Se utolla. Makala e tla ba eng morago ga ge re tlogile? Ya, ke kgotšwe gore go ne kudu, bontši kudu go feta re tseba ka ga sona. Yeo ke nnete. Go ne Mahuto a Šupago, ge re no tšea Puku ya Kutollo ya go felela, ye e bofilwego ka morago ga Puku. Ebile ga se e... ga se go ngwalwe ka Pukung. Gomme ona Mahuto a tla bulwa nakong ya lebaka le la kereke, gomme diphiri tše šupago tša mafelelo tša Modimo di tla tse-... tsebišwa. Oo, ke tla rata go no e boloka marea ohle le go ya go E kgabola. Ee, mohlomphegi! Mabaka a Šupago a Kereke.

<sup>39</sup> Bjalo ka ge Daniele a kwele medumo ye šupago, gomme a iletšwa; le Johane o kwele digalontšu, gomme Puku ye e ile ya tswalelwa, gomme bomorago bja puku bo tswaletšwe ka Mahuto

a Šupago; eupša mo matšatšing a Mahuto a go bulwa, “Sephiri sa Modimo se tla fetšwa.” Ka mantšu a mangwe, Modimo o tla tsebjia go Kereke ya Gagwe; e sego ka go batho ba bararo, eupša bjalo ka Motho o tee. “Sephiri sa Modimo se tla utollwa,” gomme ge seo se utollotšwe go felela, gona diphiri tše šupago di tla bulega go Kereke; gobane, ka fale, Kereke e tla be e phela ka tlase ga khuetšo ya Moya wo Mokgethwa, Yena a sepelela ka gare le ka ntle gomme a bontšha maswao a Gagwe a go beng go phela magareng ga rena, a phela magareng ga rena, gomme gona re rapela Kriste yo a phelago yoo a lego magareng ga rena.

<sup>40</sup> Le se tsoge la lebelela bakeng sa dikereke tše kgolo le dilo tše dikgolo. Ge re etla go lebaka le la Pentecostal, ka kgonthé le tla bona moo ba e lahlilego. Yona kereke *Laodikia* e ra “go huma, go se hloke selo,” le go apola, go šokiša, go foufala, madimabe, gomme ga ba tsebe. Le a bona? Ba arogetše morago boka tšelete ye kgolo, le meago, le se sengwe le se sengwe gape.

<sup>41</sup> Mola, Kereke ka mehla e bile ma—ma maodi a lefase. Gomme šeba ba be ba le: ba hloilwe ke batho bohole, ba lahletšwe ntle, ka mekgolokgotheng, e ka ba kae ba ka phelago. Balang Bahebere 11, gomme le tšeeng ditemana tše tshela goba seswai tša mafelelo tša yona, ka fao “ba nenerilego gohle maganateng, gomme—gomme ba apere matlalo a dinku le matlalo a dipudi, gomme ba be ba hloka, le go tlaišwa, le go hlokofatšwa.” Batho bale fale, bopaki bja rena bo tla ema bjang kgahlanong le bja bona mo letšatšing la Kahlolo? Le a bona, batho bale mo letšatšing lela.

<sup>42</sup> Bjale, ka go lebaka le la kereke . . . Re ne dikereke tše šupago, bjale ke nyaka e beilwe ntle. Ga ke nagane le ka kgona go e bona go tloga fa, mohlomongwe ge ba bangwe ba lena le ka kgona, ke a belaela kudukudu, eupša ka tla leka go e dira, (ke a tseba le ka se kgone, le dutše tlase ka fale), go e dira Mabaka a Šupago A Kereke. Ke tla e swara seatlang sa ka gore le kwešiše.

<sup>43</sup> E thoma, Kereke e thoma kua Pentecost. A e ka ba mang a kago ganetša seo? Aowa, mohlomphegi! Kereke e thoma kua Pentecost ka Tšhegofatšo ya Pentecostal, gomme e hlomilwe ke Jesu Kriste go tšwelapele go fihlela letšatši la mafelelo ka Molaetša wa go swana le tšhegofatšo ya go swana e šoma ka go rena. Thomo ya Gagwe ya mafelelo go Kereke ya Gagwe, Mareka 16, “Eyang ka lefaseng lohle, le rereng Ebangedi, maswao a a tla latela bona bao ba dumelago.” Bjale, kaekae? “Go lefase lohle.” Go mang? “Sebopiwa se sengwe le se sengwe.” Ntsho, tsotho, serolwana, tšhweu, e ka ba sebopiwa sefe se bilego, rerang Ebangedi go sebopiwa se sengwe le se sengwe. “Maswao a a tla latela bona bao ba dumelago.” Bjale, bošegong bjo re tšwelapele go seo, feela go thoma go sega bošegong bjo, bošego bjo bongwe le bjo bongwe go sega segoba se segolwane sa Yona go fihlela re etla tlase go lebaka la kereke ya rena beng. Bjale, re hwetša gore yeo e be e le thomo ya Gagwe.

<sup>44</sup> Bjale, lebaka la mathomo la kereke e be e le kereke ya Efeso. Lebaka la bobedi la kereke e bile Simirina. Lebaka la boraro la kereke e bile Peregamo. Lebaka la bone la kereke e bile Thiatira. Lebaka la kereke la bohlano e bile Sarede. Gomme lebaka la kereke la boselela e bile Filadelifia. Gomme lebaka la bošupa la kereke e bile Laodikia.

<sup>45</sup> Bjale, lebaka la mathomo la kereke le thomile e ka ba A.D. 53, ge Paulo a hloma kereke ka—ka Efeso. Mo leetong la gagwe la boromiwa, o hlomile kereke ka—ka Efeso, kereke ya Efeso, gomme o be a le modiša wa yona go fihla ge a kgaolwa hlogo ka 66, go mo dira e ka ba mengwaga ye masomepedi pedi modiša wa kereke ya Efeso. Ka morago ga lehu la gagwe gona re a botšwa gore Mokgethwa Paulo... goba Mokgethwa Johane yo mokgethwa o bile modiša wa kereke le go e iša pele ka go lebaka le, gomme lebaka la kereke le ile ka godimo go 170.

<sup>46</sup> Ka gona morago ga Lebaka la Kereke la Efeso, go tloga la A.D. 53 go fihla ka A.D. 170, morago go thomile Lebaka la Kereke ya Simirina le le tšerego go tloga ka A.D. 170 go fihla ka A.D. 312. Morago go tla Lebaka la Kereke ya Peregamo, gomme Lebaka la Kereke ya Peregamo le thomile ka 312 gomme le tšere go fihla A.D. 606. Morago go tla Lebaka la Kereke ya Thiathira, gomme lebaka la kereke ya Thiathira le thomile ka 606 gomme le ile go 1520, Lebaka la Leswiswi. Gomme morago Lebaka la Kereke ya Sarede le thoma ka 1520 gomme le tšere go fihla ka 1750, lebaka la Lutheran. Morago go tloga ka 1750, lebaka la go latela go tla e bile la Filadelifia, lebaka la Wesley; leo le thomile ka 1750 gomme le tšere go fihla ka 1906. Gomme ka 1906 Lebaka la Kereke ya Laodikia la tsena, gomme ga ke tsebe le tlo fela neng, eupša ke akanyetšapele le tla dirwa ka 1977. Ke akanyetšapele, e sego Morena o mpoditše, ke akanyetšapele go ya ka pono yeo ke bontšhitšwego mengwaga tsoko ya go feta, gore, tše tlhanoo tša dilo tšela (go tše šupago) šetše di diregile.

<sup>47</sup> E ka ba... Ke ba bakae ba elelwago pono yela, ka kerekeng? Kgonthé. E boletše gore, ka fao gore ebile Kennedy o tla kgethwa dikgethong tše tša go feta. Ka fao basadi ba tla dumelwago go bouta. Ka fao Roosevelt a tla išago lefase ntweng. Ka fao Mussolini a tla yago go leba Ehiopia, tlhaselo ya gagwe ya mathomo, gomme o tla e tše; bjoo e tla ba bofelo, o tla hwa ka morago ga seo. Ka fao diism tše kgolo tše di tla tsogago gomme tšohle di tla wela ka go Bokomonisi; Bohitlera, le Mussolini, le Bok... Bonazi, le go ya pele, tšohle di tla wela morago ka go Bokomonisi. Gomme mengwaga ye lesometee pele ga fao, e boletše gore “Re tla ya ntweng le Jeremane, gomme Jeremane e tla maatlatfatšwa ka morago ga khonkhoriti,” Maginot Line. Go diregile feela ka tsela yeo. E boletše nako yeo, ka morago ga seo, go tla direga gore... go tla direga gore saense e tla ata gagolo kudu go fihlela ba tla tšweletša koloi, dikoloi di tla ba bontši boka “lee” nako tšohle. Gomme pono yeo e boletšwe thwi

fa moo Church of Christ e emego bjale, ka go wa kgale Mes... legae la ditšhuana. Charlie Kern, mohlomongwe ka moagong bošegong bjo, o be a dula mo lefelong nako yeo. Lamorena le lengwe mosong e ka ba ka iri ya bošupa e diragetše. Gomme E rile, "Morago go tla direga gore ba tla tšweletša koloi yeo ba sa hlokego lebile la seterebelo ka go yona, e tla laolwa ka mohuta tsoko wa maatla." Ba ne yona bjale. Ba ne yona bjale, maatleng a makenete, taolo ya rata. Ebile ga ba...ba no bea rata go moo o yago, e a go iša wenamong, ga o swanele terebela.

<sup>48</sup> Bjale, gomme go boletšwe ka fale, "Mo nakong yeo go tla ba le mosadi yo mogolo a emago ka United States." Gomme o be a apere le go ba yo mobotse, eupša o be a le sehlogo ka pelong. Gomme ke beile mantšutlalešto go pono, ebile pampiri ye serolwana, a rile, "mohlomongwe kereke ya Katoliki." Gomme basadi go dumelweng go bouta ba tla thuša go kgetha motho yo a fošagetšego go setšhaba se. Gomme seo ke se ba se dirilego. Tlwa. Bjale, go rile, "Ao e tla ba mathomo."

<sup>49</sup> Bjale selo se sengwe e se boletšego, gore...Ka gona ka pelapela ka morago ga seo, ke bone setšhaba se se fetoga mokubelo, go no thuthupišwa ka diritswana. Bjale, ge tšona dilo di diregile, go tla ba bjalo ka se sengwe se. Re mo... Ke ka baka leo ke fa bošegong bjo go leka go tliša se le go se bea go batho ba ka Jeffersonville, gobane ke lokišetša go tsena mašemong a boromiwa gabotse ka bjako gape, gomme ga ke tsebe ke nako efe yeo ke tla go biletšwa kgole goba go ubulelwia kgole. Ke—ke...ga re tsebe seo. Gomme ke nyaka go ba le kgontha gore nna ke...anke kereke e tsebe iri yeo e phelago ka go yona, gobane Ramaatlakamoka Modimo o tla mpea boikarabelo bakeng sa yona.

<sup>50</sup> Bjale—bjale, ye nngwe le ye nngwe ya dikereke tše, go ya ka Lengwalo fa, e bile le morongwa. Gomme morongwa o be a le... Ke ba bakae ba ba tsebago se *morongwa* a se rago? Ke "motseta," motseta. Gomme go—go bile le *barongwa ba šupago* go dikereke tše šupago, ba e ra "batseta ba šupago." Bjale, gomme ba bile dinaledi ka seatleng sa Gagwe. Gomme ka seatleng sa Gagwe tše—tše tše lesomepedi...dinaledi tše tše lesomepedi tše di be di le go bonagatša Seetsa sa Bogona bja Gagwe mo letšatšing le re phelago ka go lona. Bjalo ka ge dinaledi di bonagatša letšaši go lefase, go le dira le be le seetsa gore re kgone go sepela, le go sepela tikologong mo bošegong.

<sup>51</sup> Bjale re hwetša gona, gore mo nakong ye, gore yo mongwe le yo mongwe wa barongwa bale o bile le boemo le lefelo. Gomme, baena, bošegong bjo ga re tle go yona, gobane re tseba morongwa yo wa kereke ya mathomo, eupša go ya go ba sephiri le selo sa letago go hwetša le go goga go tšwa go histori, pele ga lena, barongwa ba dikereke tše tše dingwe. Morongwa wa kereke ya mathomo e bile Mokgethwa Paulo, o e thomile, motseta wa

Modimo. Morongwa wa kereke ya Efeso e bile Mokgethwa Paulo. Kereke...Bjale, lebaka ke... .

<sup>52</sup> Bjale, ba bangwe ba le ka no ganetša, eupša ke dutše fale tekano ya matšatši le matšatši ka tlase ga tšhušumetšo go fihla ke ikwetše Moya wo Mokgethwa o nkgwatha le go ntlotša bakeng sa yona. Ke ka lebaka leo ke tsebago. Gomme šetšang banna ba bao ba hlaotšwego, ge o le rahistori, bona... Banna ba go swana ba ke ba swerego fa, le go tseba ka kutollo gore ba be ba le barongwa go kereke, ba bile le bodiredi bja go swana bjoo ba ba dirilego mo mathomong. Gomme bodiredi bjoo bo ka se fetoge, bo swanetše go dula pentecostal tsela yohle go kgabola.

<sup>53</sup> Bjale, borahistori ba dutšego fa ba ya go se kwane le nna go monna yo; eupša go kereke ya Simirina, Irenaeus ke yo ke tsebago gore e be e le morongwa wa letšatši leo. Polycarp, ba bantši ba lena le tla re e be e le Polycarp, bokaone, le tla re e be e le yena. Eupša Polycarp o sekametše kudu go mokgatlo le go Katoliki, bodumedi bjoo bo bego bo etla. Eupša Irenaeus o be a le monna yoo a boletšego ka maleme, gomme o bile le maatla a Modimo, le maswao a mo latetše. O be a le morongwa wa Seetša wa Modimo, gomme o gogile Seetša pele godimo ka morago ga ge Polycarp a bapotswe le go bolawa, a bolailwe, gona Irenaeus o be a le yo mongwe wa barutwana ba gagwe, gomme Polycarp o be a le morutwana wa Mokgethwa Paulo... goba Mokgethwa Johane. Gomme morago Irenaeus o tšere legato la gagwe, gomme o tlišitše Seetša.

<sup>54</sup> Gomme morongwa wa Seetša sa—sa Peregamo e be e le yp mogolo Mokgethwa Martin. Ga ke dumele go kile gwa ba le monna yo mogolo a phetšego lefaseng, ntle le Jesu Kriste, go phala Mokgethwa Martin. Maatla? Babolaipeakanyo ba tla go yena go kgaola hlogo ya gagwe (o dumetše go maswao le matete, le Ditšhegofatšo tša Pentecostal), gomme ge ba ile, ba be ba ile go mmolaya ka peakanyo, o gogetše kobo ya gagwe morago gomme a ntšhetša molala wa gagwe ntle go bona. Gomme ge mmolaipeakanyo a khwamotše tšoša go kgaola hlogo ya gagwe, maatla a Modimo a mo kanamišeditše morago thwi ntle go tloga go yena, gomme o abutše ka matolo a gagwe go mo kgopela...?... Amene. O be a le morongwa go kereke.

<sup>55</sup> Dilo tše dingwe. Šetšang ka fao a... Yo mongwe wa banababo o be a lekeleditšwe, o be a le tseleng go leka go mo hwetša, go bona se se diregilego. Gomme ge a fihlile fale, be ba šetše ba mo lekeleditše. O be a robetše a otlollogile, a hwile, gomme mahlo a gagwe a tšwetše ntle ga hlogo ya gagwe. O tsene ka gare go yena gomme o wetše fase godimo ga matolo a gagwe gomme o beile mmele wa gagwe go mo kgabola lebaka la iri, a rapela Modimo. Gomme maatla a Modimo a tlide go yena gomme a tsoga, o tšere seatla sa gagwe gomme a sepela le yena thwi fale. Yeo ke histori, feela boka George Washington, Abraham Lincoln, goba eng gape. Ke histori.

<sup>56</sup> Ee, mohlomphegi! Mokgethwa Martin o be a le morongwa go kereke ya Peregamo, e lego, kereke ya lenyalo yeo e ba tšeelago godimo ka go Bokatoliki morago ga fao.

<sup>57</sup> Morongwa wa kereke ya—ya Thiathira e be e le Columba.

<sup>58</sup> Morongwa wa kereke ya Saredē, kereke ya go hwa... Lentšu *Saredē* le ra “go hwa.” Go tla ntle ka leina, e sego Leina la Gagwe, “Eupša leina gore o a phela, eupša o hwile.” Šetsang ka fao ba tlisitšego kolobetšo yela mo letšatšing lela. Le a bona, mo e tšwago. Morongwa wa kereke ya Saredē e be e le Martin Luther, mokaonafatši wa mathomo.

<sup>59</sup> Morongwa wa kereke ya Filadelifia e be e le John Wesley, motseta.

<sup>60</sup> Gomme morongwa wa kereke ya—ya Laodikia ga se e šo a tsebjia. Go tla ba letšatši le lengwe, eupša mohlomongwe o... mo lefaseng. “Yo a nago le tsebe...” [Ga go selo lefelong la theipi—Mor.]... tseba lebaka le ke lebaka re phelago ka go lona. Modimo o tla dira go ahlola ga seo.

<sup>61</sup> Bjale, hlokamelang bjale, gomme re tla tla Mangwalong bjale, morago go lebaka la mathomo. Bjale ke tla rata... Ke swere dilo tše dingwe tše dinnyane di ngwadilwe fa tšeо ke ratago le di theetša ka sekgauswi.

<sup>62</sup> Kereke ya mathomo, kereke ya Efeso, mediro ya kereke, se Modimo a ba soletšego sona, e be e le mediro ntle le lerato. Moputso wa bona e be e le Mohlare wa Bophelo.

<sup>63</sup> Kereke ya Simirina e be e le kereke ya go hlomarwa, e ile go kgabola ditlaišego. Moputso e bile mphaphahlogo wa Bophelo.

<sup>64</sup> Kereke ya boraro, Peregamo, lebaka la thuto ya maaka, maaka a Sathane, le motheo wa pušo ya bomopapa, lenyalo go kereke le mmušo. Moputso e bile mana a utilwego le letlapa le lešweu.

<sup>65</sup> Kereke ya Thiathira e be e le kereke ya kgoketšo ya bomopapa, Mabaka a Leswiswi. Moputso e bile maatla le go buša ditšhaba, le Naledi ya Moso. Bao ke bonnyane bjo bonnyane bjoo bo kgabotšego.

<sup>66</sup> Kereke ye Saredē e be e le lebaka la kaonafatšo, boromiwa bjo bogolo... goba e sego boromiwa, eupša maina a utilwego, ba bile le maina a bona beng. Gomme moputso e bile seaparo se sešweu, le leina go Puku ya Bophelo (ye e tla tlago ka kahlolong). Re bile le yeo letšatši le lengwe, Puku ya Bophelo; le swanetše go ahlolwa go tšwa go Puku ya Bophelo. Bakgethwa ba a fetolelwa le go tšewa ntle le yeo, ga ba ye go yeo.

<sup>67</sup> Lebaka la Kereke ya Filadelifia e bile lebaka la lerato la baena, lebaka la thomo ye kgolo le lebaka la boromiwa bjo bogolo, lebati le le butšwego. Gomme moputso e bile pi—pi pilara. Go utolla maina a Modimo go be go le mo nakong—nakong ya lebaka le, ge le fedile e ka ba ka 1906. Go lokile.

<sup>68</sup> Lebaka la Laodikia e be e le kereke ye bolelo, go huma, e atetšwe ka dithoto, ga e hloke selo; eupša e madimabe, go šokiša, go foufala, le go nyamiša, gomme e hllobotše. Gomme moputso e be e le go dula Teroneng le Morena, bao ba fenyago lebaka lela.

<sup>69</sup> Bjale go ripaganya, bošegong bjo, go le bontšha bonnyane nthatana ka ga tirelo bošegong bjo, re ya go tsea tema ya 2, lebaka la mathomo la kereke. Bjale re . . .

O utolotšwe gomme re a tseba ke Yena mang, ke Yena Modimo!

<sup>70</sup> Bjale, lebaka la kereke le thoma bjalo ka ge ke boletše, e ka ba ka 53, go fihla go 170. Gomme (a) toropokgolo ya Efeso, ye nngwe ya ditoropokgolo tše tharo tše kgolo tsa Asia; e fela e bitšwa toropokgolo ya boraro ya tumelo ya Bokriste (ya pele e be e le Jerusalema; ya bobedi, Antioka; gomme ya boraro, Efeso). . . (c) toropokgolo ye kgolo ya kgwebo le kgwebišano. . . (e) mmušo e be e le wa Roma. . . (f) polelo e be e le Segerike. Borahistori ba dumela Johane, Maria, Petro, Andrea, le Filipi bohole ba boloketšwe fale. Gomme Efeso e be e tsebega bakeng sa bobotse bja yona.

<sup>71</sup> Bokriste ka Efeso e be e le moo Bajuda ba phetšego, ka Efeso. Gomme e hweditšwe ka A.D. 53 goba 55. Bokriste bo bjetšwe fale ke Mokgethwa Paulo. Moragorago, Mokgethwa Paulo o dutše mengwaga ye meraro ka Efeso. Thuto ya Paulo e rwele khuetšo ye kgolo go badumedi ka Efeso. Wa go latela, Timotheo o bile pišopo wa mathomo ka Efeso. Paulo o ngwaletše kereke ya Efeso. Nakong ya Paulo e be e le kereke ye kgolo.

<sup>72</sup> Efeso e ra . . . lona leina *Efeso* le ra “go lesetša, go hlephiša, go kgeloga.” E bitšwa ke Modimo, “Kereke ya go kgeloga.” Modimo—Modimo o leboga pele mediro ya bona, mokatano wa bona, le kgotlelelo ya bona. Modimo o kgadile mophelelo wa bona, go tlologeng lerato la bona la mathomo, bakeng sa go kgeloga, le bakeng sa go se sa rwala Seetša. Efeso e be e se kereke ye e forilwego, e ipaledišitše yonamong ka go se iše pele ka lerato le le phethagetšego.

<sup>73</sup> Kakaretšo ya Efeso: Dikenywa, ntle le lerato, go iša go bokgelogi. Dikhlofediso: Paradeisi e tshepišitšwe go mofenyi, wa bakgethwa ba Efeso mo lebakeng la kereke, o filwe go Mohlare wa Bophelo.

<sup>74</sup> Selo se sebotse sese. Mohlare wa Bophelo o boletšwe makga a mararo ka go Genesi, makga a mararo ka go Kutollo. Lekga la mathomo o boletšwego ka go—ka go Genesi, e be e le ka Edene, gomme Kriste o be a le Mohlare. Makga a mararo o boletšwego ka go Kutollo, e be e le Kriste ka Paradeising. Oo, yeo e humile. Morena a šegofatše.

<sup>75</sup> Bjale re thoma tema ya 1 ya Baefeso . . . goba temana ya 1 ya temana ya 2, kereke ya Efeso:

*Go morongwa wa kereke ya Efeso ngwala; Dilo tše go boletše yena yoo a swerego dinaledi tše šupago ka seatleng sa gagwe se setona, yo a sepelago gare ga dihlomakerese tše di šupago tša gauta;*

<sup>76</sup> Johane ke mo—mo motseta mo nakong yeo. A sepela gare ga dihlomakerese tše dišupago tše e be e le Jesu Kriste, Ramaatlakamoka Modimo. O dira eng? Ga se A re O be a sepela ka go *ye nngwe* ya dihlomakerese, O be a sepela gare ga tšona tšohle. Seo se se ra eng? Gore ke Modimo wa go swana, maabane, lehono, le go ya go ile, le ka go lebaka la kereke le lengwe le le lengwe go modumedi yo mongwe le yo mongwe. O tla go...ka Moya wo Mokgethwa go lebaka le lengwe le le lengwe go motho yo mongwe le yo mongwe; wa go swana maabane, lehono le go ya go ile.

<sup>77</sup> “A swere ka seatleng sa Gagwe se setona.” *Seatla se setona* go ra a Gagwe “maatlataolo le maatla.” A swere ka seatleng sa Gagwe se setona (ka tlase, go laola) batseta ba ba šupago go mabaka a kereke a a šupago. Oo, ke rata seo. Go Mmona a sepela tikologong go kgabola mabaka a a kereke, Kriste, a itira Yenamong go tsebja go batho ba Gagwe tlase go kgabola Mabaka a a Leswiswi, tlase go kgabola lebaka le lengwe le le lengwe; mola kereke e eba female le go ngangela thoko, gomme ba bangwe ba ile tsela ye nngwe ba bangwe ye nngwe e eupša bonnyane bjola bjo bonnyane bjs kereke bo swareletše, gomme Kriste o šomile ka bona, a tiišetša Lentšu la Gagwe; a E fetša thwi go kgabola.

<sup>78</sup> Go bonolo go bona ka fao gore re ne se re nago le sona lehono, ge le thoma go ithuta se. Bjale, fa mo mathomong...ke a dumela bohle ba lena le kgona go bona se godimo. [Ngwanešu Branham o laetša mo letlapeng—Mor.] Lebaka le letee la kereke šele, leo ke Pentecost. Lebaka la bobedi la kereke, la boraro, la bone, la bohlano, la boselela, lebaka la bošupa la kereke. Bjale ge le ka hlokomela se sekgauswi ka kgonthe, Kereke e thomile ka Pentecost. Ke ba bakae ba dumelago seo? Le bona se se diregilego ka Pentecost? Gona re šetša kereke bjalo ka ge e theogela fase. E no thoma go nyamalela gannyane kudu, kgojana gannyane, kgojana gannyane; gannyane nthatana, e fase ka mokgwa *wola* bjalo ka ge Kereke ya therešo e timelela.

<sup>79</sup> Bjale, Kriste...ga go kgathale Kereke ke ye nnyane gakaakang, “E ka ba kae ba babedi goba ba bararo ba phuthegilego mmogo Leineng la Ka, Ke tla ba magareng ga bona.” Ge ba phuthegile mmogo ka go eng? Leineng la Methodist? Leina la Baptist? Leina la Pentecostal? Leina la Jesu! E ka ba kae ba babedi goba ba bararo ba phuthegilego mmogo, ga go kgathale ke mo gonyane gakaakang. Gomme ba ya go ba ba bannyane mo matšatšing a mafelelo go fihla, O rile, O tla swanela go tla ka pela le go kgaotša modiro bokopana goba go ka se be le nama e phološwago bakeng sa Tlhatalgo. “E ka ba kae ba babedi goba ba bararo ba phuthegilego Leineng la Ka!”

<sup>80</sup> Bjale, tikologo ya mathomo, baapostola. Bjale, re a bona a ke mathomo, Pentecost. O sepela go dikologa, Modimo yo mogolo wa go swana, maswao a go swana a magolo a be a le a go phethagala ohle tlase go kgabola mabaka a gobane O sepetsē makgatheng ga lebaka le lengwe le le lengwe. A šegofatša eng? Batho ba Gagwe bao ba phuthegilego Leineng la Gagwe.

<sup>81</sup> Ke nyaka le šetše ka go lebaka le ge re eya go kgabola kereke. Kereke *ye* e bile le Leina la Jesu. Kereke *ye* e bile le Leina la Jesu. Kereke *ye* e bile le Leina la Jesu. Gomme kereke *ye* e Le lahlide. Kereke *ye* e tšwetše ntle, lebaka la Lutheran, ka “leina gore o a phela, eupša o hwile.” Gomme go ya thwi tlase go fihlela bofelong bja lebaka *le*; gomme magareng ga lebaka le le lebaka *le* go na le lebati le le butšwego le beilwego leo le tlišago morago Leina lela gape go kereke. Bjale šetšang le bone ge eba yeo ke Therešo, ka morago ga ge re e hwetša fa ka Mangwalong. Fale magareng ga ma—ma mabaka.

<sup>82</sup> Bjale, gosasa bošego ke tla leka go ba le peakanyo ye fa gore bohole re kgone go e bona. Gomme ke tla tla fase mohlomongwe gosasa morago ga sekgalela le go thala bakeng sa . . . tše dingwe tša di—di dipeakanyo tše ke nyakago go bolela le lena ka tšona. Gomme ge e ka ba mang wa lena a ne histori, tlang natšo. Goba tšeang dinoutso tša lena gomme le theogeleng bokgobapuku goba felotsoko gomme le hwetše histori, gomme le e bale gomme le bone ge eba ye ke nnete.

<sup>83</sup> Bjale temana ya mathomo. O dira eng? O a ba dumediša.

*Go—go morongwa wa phuthego ya Efeso . . . (go Johane) ngwala; Dilo tše go boletše yena yoo a swerego dinaledi tše šupago ka seatleng sa Gagwe se setona, yo a sepelago gare ga dihlomakerese tše di šupago tša gauta;*  
*(ke tumedišo)*

<sup>84</sup> Bjale temana ya 2 le temana ya 3, O a ba reta:

*Ke tseba mediro ya gago, le katano ya gago, le kgotlelelo ya gago, . . . ka fao o sa kgotlelelego ba elego ba babe: gomme o ba lekile ba ba rego ke bona baapostola, gomme ga se bona, gomme o ba hweditše go ba baaketsi:*

<sup>85</sup> Le a bona, bokgelogi bjola bo be bo šetše go thomile go tsena ka gare, ka go lebaka le la mathomo. Bo šetše bo thomile thwi fale; gobane bakgethiwa le Kereke ya therešo ba ba nyakilego go boloka metheo ya Beibebe, le go boloka Mantšu ao Jesu a a boletšego bopaking bja Gagwe, be ba šetše ba thomile go ngangela thoko. Se sengwe se thomile go direga, gomme go bile le baruti ba maaka ba tsogago, batho ba ba bego ba ruta phošo, kgahlanong le Lengwalo, ba leka go tliša se sengwe goba go oketša se sengwe.

<sup>86</sup> Ke ka lebaka leo A filego kutollo ye go kereke gomme o rile, “Mang le mang a tlošago goba a oketšago, karolo ya gago e tla

tlošwa Pukung ya Bophelo.” Ke gore, go lahlega, ngwanešu! Se no šunya nko Lentšung la Modimo! Feela ga go kgathale ke mang Le mo gobatšago goba ke eng Le e gobatšago, nno Le bolela go le bjalo. Feela ka tsela ye Le ngwadilwego, yeo ke tsela. Ga re hloke e ka ba sefe se segolo gape, ga re hloke moprista e ka ba ofe goba e ka ba eng go Le hlatholla go rena, Modimo Moya wo Mokgethwa ke mohlatholl. O fa thathollo.

<sup>87</sup> Bjale, ge le lemoga, go retologa go mabobe le go hwetša baprofeta ba maaka, ka morago ga seo ba netefaditšwe go ba maaka, ba ne sebopego sa bomodimo. Le bona ka fao kereke e thomago go ba fomale mo nakong yela? Ba thoma go mohuta wa go ripaganya batho ka tlase ga tšhušumetšo ya Moya wo Mokgethwa, ba thoma go dira batho mohuta wa go dira metlae ka bona.

<sup>88</sup> Gabotse, a Jesu ga se a re, “Lena le ba lehlogenolo ge le hlomarwa bakeng sa toko”? Ga se nke a re go thoma go ba fomale. O rile, “Hlalalang, gomme le thakgaleng go fetiša, gobane ba hlomere baprofeta ba ba bilego pele ga lena.” O boletše seo, e be e le ka go mahlogenolo, go Mateo 5, “Ba lehlogenolo ke lena!” Gobaneng, go ba le batho go dira metlae ka lena gobane le rata Morena Jesu, ke tšhegofatšo feela go ba le bona ba e bolela. Ba no ba... Ge ba le roga, ba tlisa ditšhegofatšo tša Modimo tlase go lena. E gobatša bona, boka e dirile go Bileama nakong yela. E—e gobatša bona. Ge ba leka go dira motlae ka wena go beng Mokriste, gobaneng, e gobatša bona, gomme Modimo o fa tšhegofatšo, gobane, “Ba lehlogenolo ke lena ge batho ba tla le hlomara bakeng sa Leina la Ka.” Bakeng sa Leina la Gagwe, “Ba lehlogenolo ke lena!”

<sup>89</sup> Bjale re hwetša gore ba nyakile go thoma le go tsena ka go sebopego sa bomodimo.

<sup>90</sup> Bjale, nka ema thwi fa le go bolela se sengwe, ke a dumela ke tla dira. A le lemogile gore tsošeletšo ye nngwe le ye nngwe... Bjale, modiredi moena, o lekola se. Tsošeletšo ye nngwe le ye nngwe e tšweletša mafahla, feela boka Jakobo le Rebeka ba tšweleditše mafahla: Esau le Jakobo. Ke ra Isaka sebakeng sa... Isaka le Rebeka, sebakeng sa Jakobo. Isaka le Rebeka ba tšweleditše mafahla. Tate e be e le yo mokgethwa, mme e be e le yo mokgethwa, eupša ba bile le bašemane ba babedi ba belegwe: Esau le Jakobo.

<sup>91</sup> Bjale, bobedi bja bona ba be ba le ba borapedi. Eupša Esau, ge go etla go mediro le ditiro, bjalo ka motshepamolao yo mokaone, ka kgonagalo o be a le mošemane yo mokaone, tsela yohle go dikologa, go phala Jakobo a bile. A le tsebile seo? Jakobo o be a no ba mošemane yo monnyane yoo a šikilego le mamagwe nako tšohle. Eupša Esau o ile ntle le go šoma, o ile ntle le go hwetša sešebo go fa papagwe wa mokgalabje wa go foufala yo a bego a le moprofeta, o lekile go mo hlokomela. Eupša Jakobo o

bile feela le selo se setee monaganong, o nyakile tokelo yela ya tswalo! Ga se a kgathale ke botelele gakaakang a swanetšego go šika tikologong goba e ka ba eng a bego a swanetše go e dira, kgwekgwe bophelong bja gagwe e be e le tokelo ya tswalo! Gomme Esau o e nyaditše.

<sup>92</sup> Bjale a ga le bone motho wa tlhago—motho wa tlhago? Ge tsošeletšo e etla, go le magoro a mabedi a batho a tšwago go tsošeletšo ye nngwe le ye nngwe. Go na le motho wa tlhago yoo a yago, gomme o tla tla godimo aletareng gomme a re, “Ee, mohlomphegi, ke amogela Kriste bjalo ka Mophološi wa ka.” O tla ya ntłe, gomme o ba eng? Selo sa mathomo le a tseba, o tla feleletša ka go ya go tonya gabotse, kereke ye female, gobane o nagana, “Gabotse, ge nka tšoena kereke, ke no ba go loka bjalo ka monna wa go latela. A ga ke no ba gabotse bjalo ka *Semangmang*? Ke phapano efe go e dirago ge feela ke le wa kereke gomme ke dira boipolelo bja ka?” Gobaneng, ke phapano ka moka ye ntši. O swanetše go tswalwa gape. O swanetše go ba le tokelo ya tswalo.

<sup>93</sup> Gomme Jakobo ga se a kgathale o be a segwa bontši gakaakang. O nyakile tokelo yela ya tswalo, gomme ga se a kgathale ka fao a swanetšego go e hwetša.

<sup>94</sup> Bjale, bontši bja batho ga ba nyake go hwetša tokelo ya tswalo gobane ba nagana E tla ba no ba dira go se tsebalege gannyane. Ga ba nyake go tla fase mo aletareng le go lla gannyane nthatana, goba go hloka dijo di se kae, le—le sengwe se sengwe. Bona—bona—bona—bona ga ba nyake go e dira. Bontši bja basadi... bontši bja, le a tseba, mani... ba tlotše meikapo, ba nagana ge ba ka lla ba ka o hlatswa, ba swanela go o tlola gape. Gobaneng, bona... ke... Gomme ga ke re go e ra go nyefola, ke a holofela ga e kwagale ka mokgwa woo, eupša yeo ke therešo. Ba no se O nyake. Ga ba nyake Tswalo ye Mpsha, gobane Tswalo ye Mpsha e mohuta wa go hlakahlkana. E bjalo ka tswalo e ka ba efe ye nngwe. Tswalo e ka ba efe ke tlhakatlhakano, ga ke tshwenyege moo e lego. Ge eba e le ka hokong ya kolobe goba ka ngwakong wa diphooefolo, goba e ka go pinki, kamora ya sepetlele ya go kgabišwa, ke tlhakatlhakano.

<sup>95</sup> Gomme go bjalo Tswalo ye Mpsha ke tlhakatlhakano! Amene. E tla go dira o dire dilo tše o bego o sa nagane o ka di dira; wa ema khoneng le go letša thamporini, goba wa opela, “Letago le be go Modimo! Haleluya! Tumišang Modimo! Letago go Modimo!” Gobaneng, o tla itshwara bjalo ka sagaswi. Seo ke se o se dirilego go baapostola, seo ke se o se dirilego go Maria kgarebe, o itshwara boka o be a tagilwe. O be a le tlhakatlhakano ka setšhabeng, eupša go tše a tlhakatlhakano go bophelo go tšwelela. Amene!

<sup>96</sup> Ntle le ge e ka ba eng e ehwa le go bola, bophelo bo ka se tšwe go sona. Ntle le ge motho a ehwa le go bola ka monaganong

wa gagwe mong, Kriste a ka se tsene ka pelong ya gagwe. Ge o leka go naganela wenamong, “Bjale, ge nka sepelela godimo aletareng gomme ka re, ‘Ee, Morena, ke nna—ke nna moisa yo mokaone, ke tla Go tsea. Ke tla lefa dikarolo tsa lesome tsa ka. Ke tla dira se,’” o swanetše go hwa le go bola thwi fale go menagano ya gago. Anke Moya wo Mokgethwa o tsee taolo gomme o no dira e ka ba eng A nyakago go e dira ka wena. Eba mohuta wa go hlakahalkana ka yona. Seo se kwagala go šiiša, e sego go swaswalatša, eupša ke Therešo. Ke tsela e nnoši ke tsebago ka fao o bethelago selo ka ntle go go dira o O kwešše.

<sup>97</sup> Ke eng e bego e le tlhakatlhakano kudu go feta seholpha selo sa go hlomphega sa Bajuda letšatši lela, go feta go bona batho ba ba tšwela ka ntle fale ka maleme a go kgakgametša? Le tseba se go kgakgametše go lego? Huh, huh, uh, uh, uh, uh...?... Maleme a mangwe, le go itshwara boka batho ba ba tagilwego. [Ngwanešu Branham o bontšha ka fao motho wa go tagwa a itshwarago.—Mor.] Huh, huh, uh, uh, uh. Seo ke tlwa ba bego ba se dira. Ba bonagetše go hlakahalkana!

<sup>98</sup> Gomme o rile, “A banna ba bohle ba tletše ka beine ye mpsha?”

Eupša morago mohuta o tee wa go hlapogelwa, o rile, “Anke se se tsebje go lena, gomme le theetšeng mantšu a ka, ba ga se ba tagwa boka le akanya go bjalo.” Eupša o ile morago go Lengwalo, “Se ke seo sela se boletšwego ke moprofeta Joele, ‘Gomme go tla direga mo matšatšing a mafelelo,’ go boletše Modimo, ‘Ke tla tšollela Moya wa Ka ntle godimo ga nama yohle.’”

<sup>99</sup> Ke ka tsela yeo Kereke e tswetšwego la mathomo. Ke ba bakae ba dumelago gore Modimo ga a na magomo? Gona A ka se fetoge. Gomme ge woo e bile mogopolo wa Gagwe wa Kereke mo mathomong, woo ke mohuta wa Kereke A tla bago le yona bofelong. A ka se fetoge. Kafao o ya go bealegato go šikinya seatla bjang, goba go fafatša, goba—goba selo tsoko se sengwe gore ga se se direge thwi fale? Yo mongwe le yo mongwe wa baapostola o ile thwi morago go sela.

<sup>100</sup> Ka morago ga ge ba dirile tšohle tsa tše... Moya wo Mokgethwa o be o wetše go bona, Petro o rile, “A re ka iletša meetse, go boneng gore ba ba amogetše Moya wo Mokgethwa boka re dirile mo mathomong?” Gomme o ba laetše go kolobetšwa Leineng la Morena Jesu. Yeo ke nnete.

<sup>101</sup> Paulo o ile godimo gomme o hweditše batho ba goeletša, ba iketlile, seholpha sa Mabaptist ba tumiša Modimo, gomme o rile, Ditiro 19, o rile, “A le amogetše Moya wo Mokgethwa ge le sa le le dumela?”

Ba rile, “Ga re tsebe ge eba go na le Moya wo Mokgethwa wo o itšego.”

O rile, “Le kolobeditšwe bjang?”

Ba rile, “Re kolobeditšwe ke monna wa go swana a kolobeditšego Jesu, Johane Mokolobetši.”

<sup>102</sup> O rile, “Ya, go ka se sa šoma gape.” Le a bona? Petro šetše a e tswaletše ka Letšatši la Pentecost. O be a swere sekgonyo. Le a bona?

O rile, “E ka se sa šoma gape, le swanetše go kolobetšwa gape.” Kafao o ba kolobeditše gape, Leineng la Morena Jesu Kriste. O beile diatla tša gagwe godimo ga bona, gomme ba bile le mohuta wa go swana wa dipoelo tšeob a bilego le tšona fale mo mathomong. Moya wo Mokgethwa o wetše godimo ga bona, ba thoma go bolela ka maleme le go profeta.

<sup>103</sup> Bjale, yeo e bile Kereke tlase go kgabola lebaka. Bjale, e thomile gabotse fa mo mathomong.

“Ke tseba kgotlelelo ya gago. O ne pelotelele kudu, Ke tseba seo... Bjale elelwang, ke Nna Yena yoo a sepelago magareng ga dihlomakerese. Ke tseba kgotlelelo ya gago, le modiro wa gago, le katano ya gago, le lerato la gago, le go ya pele. Ke tseba tšohle o di dirilego. Gomme ke a tseba gore o ba lekile batho ba ba ba ipitšago bonabeng ‘baprofeta, baapostola,’ gomme o ba hweditše ke baaketši.” Oo, seo gabotse ke go nyamiša, a ga se gona? Ga ke ne boikarabelo go seo, ke Yena. O rile ba be ba le baaketši.

<sup>104</sup> Eupša Beibele e rile, “Leka motho. Ge go ka ba le ofe magareng ga lena yo a lego wa semoya goba moprofeta, goba a rego ke yena, Nna Morena ke tla itsebagatša Nnamong go yena. Ke tla bolela le yena diponong, le ditorong. Gomme ge se a se boletšego se direga, gona mo kweng; le se mmoifeng, le a bona, gobane gore Nna ke na le yena. Eupša ge go sa direge, gona le se mo kwe, ga a swara Lentšu la Ka.” Le a bona, ge e le Lentšu la Gagwe, go tla direga.

<sup>105</sup> Bjale, ba hweditše baisa ba ba be ba sa ye pele go ya ka Beibele. Le a bona, ba be ba leka go hwetša se sengwe gape. (Ke nyaka le rwaleng kefa ya lena ya go nagana bjale, moo re tlago tlase go menotosi feela mo metsotsong e se mekae.) Bjale, gona O rile, “Ke bona se o se... gore o ne pelotelele, le kgotlelelo le... le bona. O ba lekile, gomme o ba hweditše ga se baapostola. Ga se bona.”

<sup>106</sup> Bjale, bjalo ka ge ke boletše mathomong, pele re thomiša go se gape, tsošeletšo ye nngwe le ye nngwe e tšweletša para ya mafahlia. Yo mongwe ke motho wa semoya; yo mongwe ke motho wa tlhago wa lefase, “Ke tšoenne kereke, ke no ba gabotse bjalo ka mang le mang.” Gomme seo ke se tsošeletšo ye e se tšweleeditšego. Ke seo, tsošeletšo ye nngwe le ye nngwe. Seo ke se Luther a se tšweleeditšego, seo ke se Irenaeus a se tšweleeditšego, seo ke se Mokgethwa Martin a se tšweleeditšego, seo ke se Columba a se tšweleeditšego, seo ke se Wesley a se tšweleeditšego, gomme seo ke se Pentecost e se tšweleeditšego. Feel a tlwa.

<sup>107</sup> Le bona ka fao ba ilego go peu? Ba agile dikereke tša bona, gomme ba arogile, le mafelo a magolo a makaone le (nna, joo!) emelela le go boeletša Thutotumelo ya Baapostola. “Ke dumela go Kereke ye Kgethwa ya Katoliki ya Roma, le selalelo sa bakgethwa.” Mang le mang yoo a dumelago go selalelo sa bakgethwa ke mosemoya. Eng kapa eng e boledišanago le bahu ke ya diabolo. Seo ke nnete tlwa. Re ne mmoelanyi yo motee magareng ga Modimo le motho, yoo ke monna Jesu Kriste. Yeo ke nnete. Seo ke se Petro a se boletšego. Gomme lena batho barategi ba Katoliki le mmitša “mopapa wa mathomo, gomme Petro a le mopapa wa mathomo yo a sepetšego e Jesu.”

<sup>108</sup> Gomme gona o rile, “Ga go na mmoelanyi yo mongwe magareng ga Modimo le motho.” Gomme ba, le ne ba bangwe ba dikete tše lesome lehono. Gobaneng go fetogile kudu bjalo, ge kereke e sa palelwe gomme e sa fetoge? Gomme tivelo tša ya lena yohle e bolelwa ka Selatini gore e se fetoge. Go diregile eng? Ke kae le kilego la ke la hwetša Thutotumelo ya Baapostola ka Beibeleng? Ge eba baapostola ba bile le thutotumelo e ka ba efe, e bile “Sokologang, gomme le kolobetšweng yo mongwe le yo mongwe wa lena Leineng la Jesu Kriste bakeng sa tebalelo ya dibe tša lena.” Ga go thutotumelo ye nngwe nkilego ka ba kwa ba e tseba goba ba kilego ba reta e ka ba eng gape.

<sup>109</sup> Eupša ge go etla go “dikereke tše Kgethwa tša Roma” le dilo tše dingwe tšohle tše, le “Modimo Tate Ramaatlakamoka yoo a bolokilego magodimo le lefase,” seo ke ditšiebadimo. Le a bona? Yeo ke nnete. Ga e gona ka Beibeleng. Ga go ne selo se se bjalo ka seo ka Lengwalong. Ke thutotumelo ya go itirelwa yeo ba itiretšego. Eupša ke . . . dithapelo tšohle le se sengwe le se sengwe ke selo sa go itirelwa.

<sup>110</sup> Re kgona go bona lehono gore Maprotestant a renar, ge re etla tlase fa, ba nno ya thwi go fapoga ga bona. Gomme feela boka Billy Graham a boletše Lamorena, “Batho ba bile phošong kudukudu go fihla ba nagana ba gabotse mola ba le phošo.” Yeo ke nnete. Ke therešo. Ke thakgetše gore ke . . . Gobane ke a tseba Billy Graham o amogetše Moya wo Mokgethwa ka tlase ga George Jefferies godimo fale, eupša a mangwe a matšitši a o tla tšwa go seo. Modimo o mo šomiša thwi fa bjale, gobane a ka šikinya mmušo woo go se go motho gape gannyane a kgonago go tsena ka go ona. Eupša le ka bona theroy gagwe, gore go ne se sengwe ka morago ga yeo, ka lebaka la ba bangwe ba Mabaptist a fa a go šikinya seatla. ee, mohlomphegi!

<sup>111</sup> Bjale:

*Ke tseba mediro ya gago, . . . le kgotlelelo ya gago, . . .  
ka fao o sa . . .*

<sup>112</sup> A re boneng bjale, ke swere . . .

*Ke tseba mediro ya gago, le katano ya gago, le  
kgotlelelo ya gago, . . . le ka fao o sa kgotlelelego ba elego*

*ba babe: gomme o ba lekile ba ba rego gore ke bona baapostola, gomme ga se bona, gomme o ba hweditše go ba baaketši:*

<sup>113</sup> O ba hweditše go ba baaketši. Ba be ba tla tla tseba seo bjang? Ba be ba sa tsopole Lentšu.

<sup>114</sup> Bjale, ge motho a bolela gore “Beibele ye e bolela ka go Bahebere 13:8, ‘Jesu Kriste, o a swana maabane, lehono, le go ya go ile,’” gomme monna o rile, “Aa, matšatši a mehlolo a fetile,” gona monna yoo ke moaketši.

<sup>115</sup> Ge Beibele e rile, “Sokologang, gomme le kolobetšweng yo mongwe le yo mongwe wa lena Leineng la Jesu Kriste bakeng sa tebalelo ya dibe tša lena,” gomme lefelo le lengwe le le lengwe ka Beibeleng le bolela selo sa go swana, gomme yo mongwe le yo mongwe a kilego a kolobetšwa mo—mo nakong ya Beibele o kolobeditše Leineng la Jesu Kriste, gomme o ba laela go kolobetšwa, go fafatšwa, goba se sengwe gape boka seo, monna yoo ke moaketši, o hwetša ke moprofeta wa maaka.

<sup>116</sup> Ke a holofela ga ke gobatše maikutlo, eupša ke . . . Ngwanešu, o—o ka se fepeletše Se, ke nako, o role ditlelafo gomme o sware Ebangedi. Le a bona? Yeo ke Therešo.

<sup>117</sup> Bjale, mpontšheng se sengwe go fapano. Mpontšheng moo motho o tee a kilego a kolobetšwa ka tsela efe ye nngwe ntle le Leineng la Jesu, le a bona, ka ntle le kereke ya Katoliki. Kafao ge o kolobeditše ka tsela yeo, ga o ka kerekeng ya Bokriste, o ka kerekeng ya Katoliki gobane o kolobeditše. *Sunday Visitor* ya bona beng, katekisma e rile, potšišo, “A Maprotestant a itšego a tla phološwa?” E rile, “Bontsi bja bona, gobane ba ne kolobetšo ya rena le dilo tše dintši boka tše.” E rile, “Ba teleima ka ga Beibele, gomme Beibele e rile ‘kolobetšang Leineng la Jesu Kriste,’ gomme re e tšere go tšwa fao gomme ra e bea ‘Tate, Morwa, le Moya wo Mokgethwa’ gomme ba e khunametše.” Ka kgonthé. Le a bona? E sego—e sego . . . Ga se—ga se kolobetšo ya Bokriste, ke kolobetšo ya Katoliki.

<sup>118</sup> A le nkwele bošegong, “A le kile la kolobetšwa kolobetšong ya Bokriste?” Kolobetšo ya Bokriste, Kriste, “Jesu Kriste,” e sego thaetlele tsoko.

<sup>119</sup> Bjale, temana ya 3 bjale. Go lokile, temana ya 2 le 3. Bjale temana ya 3:

*Gomme o rwele boima, gomme o kgotleletše, gomme o katane bakeng sa leina la ka, gomme wa se lape.*

<sup>120</sup> “Bakeng sa Leina la Ka.” A le lemogile ba bile le kgotlelelo? Katano bakeng sa eng? Leina la Gagwe. Le bona Leina lela le swareletše ka kerekeng yela? Bjale e šetšeng, ge re etla tlase go kgabola beke, ka fao seo se nyamalalago le go ya leineng le lengwe. Le a bona? “*O bile le kgotlelelo, o katane, le go ya pele,*

*gomme bakeng sa Leina la Ka.*" O . . . Ba katane bakeng sa Leina la Gagwe.

<sup>121</sup> Go boloka Leina la Jesu Kriste ka godimo ga kereke e ka ba efe, ka godimo ga e ka ba eng gape, anke e be la pele. "E ka ba eng . . ." Beibele e rile, "E ka ba eng le e dirago ka lentšu goba ka modiro, e direng yohle Leineng la Jesu Kriste." A yeo ke nnete? "E ka ba eng le e dirago ka lentšu goba modiro." Ge o nyala, o nyala motho; ge o sa kgone, ge bohle ba hlakahlakane ka lenyalong la bona, se ba nyadiše le gannyane. Le a bona? Ge ka go lokologa o ka se kgone go re, "Ke le tsebagatša monnamogatša le mosadimogatša Leineng la Jesu Kriste," ba lese ba ikele. Go lokile. Ge o nyaka go ba kolobetša, ba kolobetše Leineng la Jesu.

<sup>122</sup> Ge o nyaka go dira se sengwe seo o ka se se dirego Leineng la Jesu, se tlogele! Yo mongwe o rile, "Tšea go nwa go gonyane." O ka se dire seo Leineng la Jesu, kafao se tlogele! Yo mongwe o rile, "Bapala dikanata tše dinnyane." O ka se dire seo Leineng la Jesu, kafao se tlogele! Wo monnyane, wa ditšhila, motlae wa go thankgelwa phathing ya lena ya poritšhi, o ka se bolele yeo Leineng la Jesu, kafao e tlogele! Le a bona? O ka se apare dišothi Leineng la Jesu, kafao e tlogele! Nka ya pele, eupša rena . . . le tseba se ke bolelago ka sona. Go lokile. O ka se dire seo. Se o ka se se dirego Leineng la Gagwe, se tlogele se nnoši! Gobane, O rile, "E ka ba eng le e dirago ka lentšu goba ka modiro, e direng yohle Leineng la Jesu Kriste." Go lokile, bjale.

<sup>123</sup> Bjale re ya go . . . Yeo ke . . . O ba laetše bakeng sa seo. Bjale ke ya go bolela ka boipelaetšo bjalo ka go tema ya 4 . . . goba temana ya 4, a ke re.

*Go le bjalo ke ne sengwe ke go solago, gobane o  
tlogetše lerato la gago la pele.*

<sup>124</sup> Oo! "Ke ne sengwe ke go solago. O bile go kgotlelela, o swaretše Leina la Ka godimo." A seo e ka no se be selo se sebotse sa tebarenekele ye lehono? Ee, mohlomphegi! "O bile gabotse, gomme o bile le kgotlelelo kudu, gomme o rwele nako ye telele, eupša selo sa gona ke . . . O swere Leina la Ka godimo. Ke leboga seo sohle. Ke—ke le leboga sebakeng sa seo, go lokile. Gomme ke bone gore o ba lekile ba ba rego ke bona baapostola le go ya pele, gomme o ba hweditše ke baaketši, ga ba sepedišane le Lentšu. Ke—ke leboga seo sohle. Eupša go ne sengwe Ke go solago, gomme seo ke gore o tlogetše lerato la gago la mathomo. O tlogetše lerato lela leo o kilego wa ba le lona go tšona tše botse, tša fešene ya kgale, dikopano tša Moya wo Mokgethwa, gomme o thoma mohuta wa go kekela morago ka go yela ya female, o tla ka gare le 'Tate wa Rena . . .' Ditšiebadimo! Le a bona?

<sup>125</sup> Sosaete yohle ye fa, gomme yo mongwe o swanetše go tšwa a apere purapura ye kgolo, (le a tseba, go opela khwaereng, le a tseba), le manekure gohle godimo ga moriri wa bona le se sengwe

le se sengwe, le bontši bja meikapo go dikologa sefahlego sa bona, gomme ba opela boka ga ke tsebe eng.

<sup>126</sup> Fa e se kgale botelele, ge nkabe e se be kopano ya Oral Roberts, ke a kgolwa nkabe ke bileditše sehlopha ntle. Ke be—ke be ke le khonferenseng ya Banna ba Kgwebo gomme e be e swaretšwe...ga se re be le...bošegong bjoo ke be ke eya go bolela. Ba be ba ka se e swarele godimo fale ka hoteleng, gomme ba nkištše go—go moago wa Oral Roberts. Gomme ge ke be ke dutše boithutelong bja Oral, go be go ne sehlopha sa bana ba Pentecostal (oo, masogana le methepana, lesometshela, bogolo bja mengwaga ye lesomešupa, lesomesesewai) bohle ba eme fale; e ka ba ba masometharo goba masomenne a bona ba eya go opela mohuta tsoko wa ye—nnyane...ba kwagetše go nna boka mohuta tsoko wa maitekelo ka yo mongwe boka Becky a bolelago ka ona, Tchaikovsky goba ye mengwe ya yona mehuta ya dilo boka tše; ga se ke tsebe, ye mengwe ya yona mehuta ya dipina, dipina tša klasiki. Gomme šeba bona, baena ba be ba eya go tše a moneelo ka kopanong, gomme yo mongwe le yo mongwe wa ba o ile pele gomme ba bile le komiki ye nnyane, ba itira o ka re ba be ba foufetše le metlae yohle le go ya pele o kilego wa ke wa go kwa, magareng ga bona bašemanle basetsana, le go bolela boka se sengwe le se sengwe. Gomme bona basetsana ka pente ya go lekanelo go bona, ba ka be ba pentile moago wa Oral, go nyakile. Gomme šebale ba be ba le ka mokgwa wola, gomme ba ipitša bonabeng “Pentecostal.” Ba lahlegetšwe ke lerato la bona la mathomo!

<sup>127</sup> Ka kgonthé ke ya le David duPlessis, “Modimo ga a na ditlogolo.” Aowa, mohlomphegi! Re na le ditlogolo tša Methodist. Re na le ditlogolo tša Baptist. Re na le ditlogolo tša Pentecostal. Eupša Modimo ga a na e ka ba ofe! Le barwa le barwedi. O ka se tle ka mamago goba papago gobane ba be ba le banna le basadi ba go loka, o swanetše go lefa tefo ya go swana ba dirilego. O swanetše go tswalwa feela boka ba be ba le. Modimo ga a na ditlogolo le gatee. O morwa goba morwedi; goba, ga o motlogolo, seo ke selo se tee ka kgonthé.

<sup>128</sup> Ke ile kopanong fa, gomme bona fale... go kereke e kaone ya Pentecostal Assembly. Saatena, o swanetše go bona bona basadi ba šwalalana ge ba mpona ke tsena; ka wola wo mokopana, moriri wa go kotwa, ba apere tšela tša kgale tše nnyane tša nkonana, boka mohlotlamadiba go nyakile, le a tseba, ba swineletšwe ka go diaparo tšela ka mokgwa wola, basadi ba Pentecostal, ba apere tša thobalano.

<sup>129</sup> Le ya go swanela go arabela bakeng sa yona, Letšatšing la Kahlolo. Le ya go ba molato go direng bootswa, Jesu o rile, “Mang le mang a lebelelago mosadi go mo kganyoga, o šetše a dirile bootswa le yena ka pelong ya gagwe.” Gomme ge o ipapatša wenamong go monna ka mokgwa wola, ke mang a lego molato?

Wena goba monna? Loka! Tšhaba yona ponagalo ya bobe! Le a bona? Kafao ke lena bao.

<sup>130</sup> O tla dira eng? Ba lahlegetšwe ke lerato la bona la *mathomo*. Oo, o ka se ba tliše khoneng ka thamborini go phaphatha diatla tša bona le go tumiša Modimo. Oo, aowa! Ba tla opela mohuta tsoko wa se sengwe sa klasiki ba apere sehlopha sa dipurapura go ba dikologa. Le a bona, ba lahlegetšwe ke lerato la bona la *mathomo*. Seo ke se e lego bothata ka kereke ya *mathomo*. Le a bona?

<sup>131</sup> Ba no swanela go itshwara boka lefase. Ba swanetše go apara boka lefase, ba lebege boka lefase, ba itshware boka lefase. Gomme ba be le naletšana ya bona ya mmamoratwa ya thelebišene, le a tseba, ba no se kgone go tlogela go e bona. *We Love Susie* goba sengwe se sengwe, le a tseba, ba no swanela go e bona. Ba tla šala gae go se ye kopanong ya thapelo le se sengwe le se sengwe gape go e bona. Ge ba sa dire, ba kgadimotša modiša wa bona kudu, go ba ntšheng ka nako go fihla lenaneo lela le etla gore ba kgone go fihla gae go e bona. Lerato la lefase go fetiša lerato la Modimo!

<sup>132</sup> Oo, fomale kudu, ga ba kgone go re, “Amene!” gape. Nna, joo, e tla phumola wo mongwe wa meikapo. Le a bona? Ga ba sa na Ona gape. Yeo ke Pentecost. Yeo ga se Baptist. Ga senke ba ke ba be le Ona le go thoma, pre—pre Presbyterian. Ke bolela ka Pentecost. Yeo ke nnete. Ke a tseba go betološa gampe, ngwanešu, eupša re nyaka tswalo go tšwa go selo se; swanetše go tliša lehu pele o ka ba le tswalo. Le a bona? Le a bona? Ke Therešo. Eupša ke lena bao, le tlogetše lerato la lena la *mathomo*. Ke . . .

<sup>133</sup> Ge Modimo a bile le seo kgahlanong le kereke *ye*, O ne yona kgahlanong le ye nngwe *yela* le yona! “Gobane o tlogetše lerato la gago la *mathomo*, Ke ne yona kgahlanong le wena. Ke ne se sengwe kgahlanong le wena, bjoo ke boipelaetšo bja Ka. Le kile la ba le nako ye botse, eupša le—le dumelētše lefase go ngwegela ka gare, gomme le bile go itshwara fomale gannyane. Le sa swareletše Leina la Ka, gomme le sa dira dilo tše di lokilego, gomme le na le kgotlelelo ye ntši le go ya pele, gomme le a katana, le bjalo ka moula, le no katana le šoma.”

<sup>134</sup> Nna! Nna! Nna! Le a bona, le tlogetše mogau le tumelo le maatla, go e fetolanya bakeng sa katano le mešomo. “Gabotse, ke a go botša Ngwanešu Branham, ke—ke thuša mosadi wa mohlologadi yo mongwe le yo mongwe ke kgonago.” Gabotse, seo ke selo se sebotse, ke go reta bakeng sa seo. Eupša lerato lela la *mathomo* o kilego wa ba le lona le kae? Uh-hum, uh-hum. Lethabo lela o bego e fela o na le lona? Bjalo ka ge Dafida a kile a goeletša, “O Morena, bušetša go nna lethabo la phološo ya ka.” Di kae tšona dikopano tša thapelo tša bošego ka moka, le dikeledi marameng a lena? Nna, joo, Beibele ebile e leretha

gomme e ne malepu go Yona. O bala dikanegelo tša kgale tša lerato, le ditaba le dilo; le dilo tšeobile di sego tša swanelwa go phatlalatšwa le go bewa ntle bakeng sa ko—ko kotikoti ya ditlakala, gomme rena batho ba Pentecostal re a di topa le go no di galampela boka sehlopha sa dintšhi godimo ga kotikoti ya maudi. Yeo ke nnete. Oo, kgaogel! Se re se hlokago ke: Morago go lerato la rena la mathomo! Morago go Pentecost! Oo, bokaone ke tloge fa. Go lokile. Eupša, le a kwešiša, “Go tlogeleng lerato lela la mathomo.”

<sup>135</sup> Temana ya 4, temana ya 5 bjale. Tshebotšo, temana ya 5, tshebotšo: “Gopola gomme o sokologe!” Le a bona?

*Kagona gopola moo o welego gona, . . . (O be o etšwa kae? Go tšwa pentecost o wetše fase moo o lego bjale, o kgeloga) . . . gomme o sokologe, gomme o dire mediro ya gago ya pele; (eya morago go pentecost gape) . . . goba go sego bjalo ke tla tla go wena ka pela, gomme ke tla tloša se Schlonakevese go tloga go la g-a-g-w-e . . . (Le a bona ke mang, a ga le?) . . . go tloga madulong a gagwe, ntle le ge o sokologa.*

<sup>136</sup> Ka mantšu a mangwe, ge o na le modiša wa go tlala ka Modimo, a tletše ka Moya wo Mokgethwa, gomme wa leka go mo swara ka tlase ga monwana wa gago, wa re, “Gabotse, ge a ka bolela e ka ba eng ka rena go beng le khwaere ya phurafura, ge a ka bolela e ka ba eng ka rena go tlola meikapo, re tla no mo kgaola.” Le se tshwenyege, Modimo o tla e dira pele le humana sebaka go e dira. O tla ya ntle gomme a rerela matlapa mo mokgotheng pele a ka itšimeletša ka mohuta woo wa selo. Le ne modiša yoo ka kgonthe a le botšago Therešo, le swanetše go hlompha Modimo le go dula le Moya, le go rapela Modimo, go lemoga gore le ya go ba molahlegi ge le sa dire. Le a bona?

<sup>137</sup> Eupša batho ba phela lehono eke ba be ba eya . . . se ke selo se nnoši se bilego, “go phela fa mo lefaseng, ke phetho.” Ga o lemoge o ne soulo ye e yago go go tlogela fa gomme ya ya felotsoko. Gomme o tswalela boyo bja gago thwi fa, ka tsela ye o phelago le ka tsela ye o dirago, ntle o swere dikgopi, le bojato, le se sengwe le se sengwe, gomme morago wa kitimela kerekeng. Oo, kgaogel! Fše! Dihlong go lena.

<sup>138</sup> Le tliša kgobogo go—go taba ya Kriste. A yeo ga se nnete? A ga re e dire? Matagwa ga a gobatše Kereke; ga se seo. Ga se mmalegogwana yoo a gobatšago Kereke. Ke batho bao ba ipolelago go ba Bakriste bao ba gobatšago Kereke. Re tseba se setagwa se lego le se mmalegogwana a lego. Ge dikgaetšedi tša rena ba apara boka mmalegogwana, moo go a fapanwa, seo ke se se gobatšago Kereke. Ge motho a enwa boka setagwa, gabotse, gona, seo ke se se gobatšago Kereke. Ba ipolela go ba Mokriste gomme ba dira seo. Batho ba go lebelela leina lela . . . “Anke ebile

yena yo a bitšago Leina la Jesu Kriste a ahlogane le sebe.” Le a bona? Ahlogana le sona.

<sup>139</sup> Oo, re hlaetša kudu, baena. Nna, lena, rena bohole, re—re hlaetša se Kriste a re nyakago re eba. Gomme thwi fa mo letšatšing le ke nako go beela thoko sebe se sengwe le se sengwe seo se re nyamišago gabonolo, le go kitima ka kgotlelelo lebelo leo le beilwego pele ga rena. Bareri, yeo ke nnete, baena. Yeo ke nnete tlwa.

<sup>140</sup> “Gopola gomme o sokologe, goba Ke tla tloša Seetša sa naledi go tloga lefelong la sona.” Lefelo la sona ke eng? Ka go Kereke. “Eupša ge o sa sokologe le go ya morago moo o bego o le lefelong la mathomo, Ke tla tloša modiša wa lena go lena gonabjale gomme ka mo tloša lefelong la gagwe; Ke tla mmea felotsoko gape moo la gagwe... moo Ke tla go bonagatša Seetša sa Ka seo se tlago phadima.” Mmm! A seo ga se sa tia?

<sup>141</sup> Ke nako go dikereke go sokologa. Ke nako go Pentecost go ntšhetša ntle ga diphuluphithi bontši bja dirutegi tše nnyane tše tša go pholetšhiwa, gomme gwa bewa moreri wa fešene ya kgale ka fale yoo a tla go le botša Therešo; e sego go phaphathwa gohle le go šomiša kereke bakeng sa thekethe ya dijo, megolo ye megolo, le se sengwe boka seo, le saekolotši, le mekato ya dipere e se mekae, le dilalelo tša sopo, le se sengwe le se sengwe gape. Ke nako go ya morago go Ebangedi. Ga ke kgathale le ba bannyane gakaakang, “Moo ba babedi goba ba bararo ba phuthegilego, Ke tla—Ke tla ba magareng ga bona.”

<sup>142</sup> “Sokologa, ntle le ge Ke etla le go tloša sehlomakerese; go mo romela kgole, mo gongwe go phadimiša seetša sa gagwe.”

Bjale temana ya 6. Bjale ye ke ye nngwe re yago go ba le bothata le yona. Bjale, ntle le ge o sokologa, O tla tla le go tloša modiša.

*Eupša o na le se, . . .*

<sup>143</sup> Bjale, elelwang. Oo, le se hlaiwe ke se bjale. Se se ya go swaraganya ka moka ga yona mmogo, thwi tlase go se re... lebaka re lego bjale. Yo mongwe le yo mongwe o ikwela gabotse, sa pele? [Phuthego e re, “Amene!”—Mor.] A le itlhaganetše? [Phuthego e re, “Aowa!”] Go lokile, bjale. Go lokile, kgotlelelang feela gannyane nthatana gona. [Ngwanešu ka phuthegong o re, “Dula bošego bjohle.”] Bjale... Ke a go leboga.

*Eupša o na le se, . . . (Ba bile le se sengwe gona, a ga se ba? Bjale, ba bile le eng?) . . . gore o hloile mediro ya Banikolaite, ye le Nna Ke e hloilego.*

<sup>144</sup> “O hloile mediro yela ya Banikolaite.” Ke dutše ka boithutelong lehono godimo fale, ke ngwadile se sengwe fa ka seo, ke nyaka le thetše sekgauswi bjale, ke matlakala a mmalwa fa. Temana ya 6, ditumišo le go dumelelana; ke gore, Modimo le Kereke ba dumelelane go selo se setee, gore ba “hloile mediro ya

Banikolaite"; Mobeine wa therešo, Mobeine wa therešo, Kereke ya therešo yeo e bego e le ka go kereke ye ya Efeso.

<sup>145</sup> Bjale, elelwang, kereke ye nngwe le ye nngwe e na le difomale tša yona gomme kereke ye nngwe le ye nngwe e na le tša semoya tša yona. Ao ke mafahla ao a tswalwago ka go tsošeletšo ye nngwe le ye nngwe gomme a phela ka go kereke ye nngwe le ye nngwe. Ba thomile thwi ka go lebaka *le* gomme ba felela godimo go lebaka *le*. Gomme bofelong, difomale di thopile ka go Lebaka la Thiathira, gomme Luther o e gogetše morago gape. Gomme bjale e lekeletše thwi morago gape. A le kgona go bona bodumedi bjola bja fomale? Ga go na phapano magareng ga bjola le Bokatoliki. Yohle ke selo sa go swana. Mokgatlo wo mongwe le wo mongwe o bolaetšwe thwi ka go yona. Modimo ga se nke a kgatlofatša Kereke ya Gagwe. Seo ke tlwa se ba bego ba leka go se dira fa. Gomme lena bogelang gomme le bone bjale ge seo e se nnete, go no le bontšha ka fao mokgatlo o rogakilwego. E bile—e bile o šele go Kereke ye mpsha, Kereke ya Testamente ye Mpsha. Le a bona?

*Eupsa... wena... Eupsa o na le se, gore o hloile  
mediro ya Banikolaite, ye le Nna ke e hloilego.*

<sup>146</sup> Mobeine wa therešo o hloile mediro ye fomale ya Banikolaite, le Modimo o dirile bjalo. Se e bego e le mediro ka go kereke ya Efeso, ka go kereke ya Efeso, e bile thuto ka go kereke ya Peregamo. Ka Efeso, kereke ya mathomo, e be e le modiro, ka go kereke ya go latela e bile thuto. A le kgona go O kwa? Le kgona go O kwešiša bjale? E be e le modiro ka Efeso, gomme šetšang, godimo fa ka go Peregamo e bile thuto. E thomile fa ka sebolego sa lesea le lennyane. Bjale, mo motsotsong re ya go hwetša se seo se bego se le sona. *Diphiri* tša Paulo šedi, “mediro ya Banikolaite.”

<sup>147</sup> Bjale se... A re fetlekeng lentšu lela gomme re hwetše se re nago le sona pele ga ge re eya bokgole bo itšego. Lentšu *Nikolaite* ke mohuta wa selo se sešelete go nna. Ke na le pukuntšu ye nngwe le ye nngwe ya Segerike yeo ke—ke kgonnego go e hwetša. *Nikolaite* e tšwa go lentšu *Nicko*, N-i-c-k-o. Emang, ke a nagana ke le ngwadile fase fa. N-i-c-k-o, *Nicko*, go rago “go fenya goba go fekeetša.” *Nico-laitenes*, “go fekeetša goba go fenya maloko.” Se ba bego ba leka go se dira fa e be e le go leka tšea kereke moo Modimo a bilego le badiša, le Moya wa Modimo o sepela ka dimpho ka Kerekeng ya Modimo yo a phelago, gomme, ba be ba ne thuto e thoma gore ba be ba eya go ba le baprista tsoko, le dipišopo, le bomopapa, le go ya pele. Seo, Modimo o rile, O se hloile! O a se hloya efela le lehono. *Nico-laitenes*, (*Nicko*, “go fenya”) goba, “go fekeetša maloko.” *Maloko* ke “kereke.” Ke ba ba kae ba tsebago gore maloko ke kereke? Go lokile, “Go fekeetša goba go fenya, goba go tšea lefelo la maloko.”

<sup>148</sup> Ka mantšu a mangwe, go tsea bokgethwa bjohle, maatla ohle go tswa go kereke, gomme wa a bea godimo ga baprista; “Anke phuthego e phele ka tsela ye e nyakago, eupša moprista ke yena yo mokgethwa.” Go tloša Moya wo Mokgethwa bathong ka maswao le matete a ba latela, gomme wa tloša seo gomme wa ba fa boprista bjo bokgethwa. Go tloša Moya wo Mokgethwa gomme wa O fetolela bakeng sa boprista. Le a bona se e bego e le? E be e le... Mafelelong e bile... Ka go kereke *ye fa*, e be e le mediro; gomme lefelong *le* e bile thuto; le Thiathira, e thopile. Gomme ge Luther a tswile, ga se e kgone go dula ka tsela yeo, e ile morago thwi le go thopa gape: dipišopo, dikhadinale, dipišopomogolo. Ke mang ka lefaseng a lego hlogo ya Kereke ya Modimo eupša Yena Yenamong? Amene! Fše! Bjale ke ikwela bodumedi. Moya wo Mokgethwa o rometšwe go buša Kereke; e sego feela moreri, phuthego ka moka!... feela moreri go ba yo mokgethwa, ke, Kereke yohle e ne Moya wo Mokgethwa.

<sup>149</sup> Gomme sebakeng sa Woo, sebakeng sa go ba le Moya go e dira, ba tsera senkgwana se sennyane le koromollwa, le beine tsoko, le go e bitša “*Eucharist* ye kgethwa go rago ‘Moya wo Mokgethwa.’” Koromollwa le karowlana ya beine e kgona bjang go ba moya? Bjale, ge—ge yeo e le tsela, le swanetše go bala Ditiro 2 ka mokgwa wo: “Ge letšatši la Pentecost le tlie ka botlalo, šefa go tla moprista wa Roma go rotoga tsela, gomme o rile, ‘Ntšhetša leleme la gago ntle’ gomme o beile senkgwa godimo, gomme o nwele beine, o rile, ‘Bjale o hweditše Moya wo Mokgethwa.’” Bjale, bjale re nagana seo se a šiiša. Ke sona.

<sup>150</sup> Bjale a re yeng tlase; ke hlomamištšwe ka go kereke ya Baptist, a re tšeeng rena Mabaptist. Uh-huh. Mmm? Methodist, re dira eng? “Ge o ka ipolela gore ‘Jesu Kriste ke Morwa wa Modimo,’ o phološitšwe.” Diabolo o a dumela Yena ke Morwa wa Modimo, gomme o a thothomela ka Yona; ka kgonagalo o e dumela kudu go feta bontši bja maloko a kereke a dira. Diabolo o dumela selo sa go swana gomme o a thothomela, gobane o a tseba o lahlegile.

<sup>151</sup> Bjale re e tsea ka sebopego sa Methodist, ba—ba bolela gore “Johane ga se a kolobetša,” gore, “ofafaditše.” Ba rile, “Go bile le mabidikoti a mantši ka nageng, gomme—gomme meetse a runya go tswa mafelong. Gomme o bile le legapi la kgopa gomme ba fatile molete wa lebidikoti ka lona.” Gomme ka mnite ba rera seo. “Gomme go ne meetse tsoko ka go legapi le la lebidikoti, goba legapi le la kgopa, ka ntle ga molete wa lebidikoti, gomme a fafatša batho.” Ditšiebadimo! Oo, ngwanešu!

<sup>152</sup> Gabotse, re tla e tsea fa, “Ge letšatši la Pentecost le tlie ka botlalo, bohle ba be ba le lefelong le letee, ba le mmero o tee. Gomme modiša o tlie tlase gomme o rerile theroye kaone, gomme a re, ‘Mphe letsogo le letona la kopanelo, gomme re tla bea leina la gago pukung.’” Seo ga se kwagale gabotse, a se a dira? Le ka hwetša seo... Le ka se hwetše seo ka go almanaka, ba

tsebile bokaone go feta seo. *Ladies Birthday Almanac* ya kgale e nepile kudu go feta seo se ka ba.

<sup>153</sup> Gabotse, ke eng e hlotšego seo, gona? Bonikolaite bo tliša sehlopha sa banna go phetla Lengwalo, le go dira kereke ya leina yeo e ka se dumelelego Modimo go tsena ka go yona. E hwa thwi fale! Gona O boletše fa, “O hwile! O ne ‘leina’ o a phela, eupša o hwile!” Bontši bja bona, ba hwile, gomme ga ba e tsebe.

<sup>154</sup> Nna le ngwanešu re be re theile dihlapi, re be re le bašemane ba bannyane, godimo fa. Gomme ke swere pshinyaleraga ya kgale, gomme ke kgaotše hlogo ya yona; go e tloša mothalong, ga se ke nyake go bapala le selo selā; gomme ka e fošetša godimo mo lešing fa. Gomme ngwanešu yo monnyane o a tla, gomme o rile, “O swereng nakwana ya go feta?”

Ke rile, “Pshinyaleraga.”

O rile, “O ya go dira eng le yona?”

Ke rile, “Fale, e letše, *fale*, gomme hlogo ya yona e letše *fale*.”

Gomme o ile godimo fale. Gomme o rile, “A e hwile?”

Ke rile, “Kgonthe! Hlogo ya gagwe e arogane le mmele wa yona, e swanetše go ba e hwile.”

<sup>155</sup> Kafao gona o tsea phata, gomme a thoma go obeletša fase go lahlela hlogo ye ya pshinyaleraga morago ka nokeng, gomme ge... goba nokana. Gomme ge a dirile, pshinyaleraga ya kgale e e gokere. Le a tseba, di tla kobakoba lebaka la iri goba tše pedi. O tabogetše morago, o rile, “Hei! Ke naganne o rile, ‘E be e hwile.’”

Ke rile, “E dirile.”

O rile, “Gabotse, ga a e tsebe. Aowa.”

<sup>156</sup> Kafao ka ka tsela yeo bontši bja batho ba lego: ba hwile gomme ga ba e tsebe! Banikolaite! Oo, nna! Oo, O rile, “O hloile seo.” Go tsea gohle ga botlalo, baprista ba bakgethwa ba bakaone, mokhadinale yo mokgethwa, pišopo yo mokgethwa.

<sup>157</sup> Gomme ba bangwe ba lena Mapentecostal, “Mookamedi yo mogolo, anke a tle tlase. Mookamedipharephare, o tla le botša ge eba le ka ba le tirelo ya phodišo fa goba aowa. Ha, ha.” Haleluya! Moya wo Mokgethwa ke ona go bolela seo goba aowa, Lentšu la Modimo la Gosafelego.

<sup>158</sup> “Gabotse, Ngwanešu Branham, re dumela gore Beibele e ruta ‘go kolobetša Leineng la Jesu,’ eupša mookamedipharephare o rile ge re thomile seo ka kerekeng ya rena, o tla re ragela ntle bohole.” Eya pele. Yeo ke nnete. Bokaone ke ragelwe ntle fa go e na le go ragelwa ntle Kua. Kafao, ge o tsea e ka ba eng go tšwa *fa*, o ya go ragelwa ntle Kua, go le bjalo, kafao bokaone o ka ragelwa ntle fa. Ge a ka go ragela ntle fa, o tla ragelwa ka gare Kua. Kafao seo e no ba selo sa go swana, kafao dula thwi le Lona.

<sup>159</sup> Re nyaka go loka. Oo, nna, ke selo sa go hloafala, ngwanešu. Re swanetše go lokiša selo se. Re ka se tsoge ra kgona go ba

le Kereke go fihlela Modimo a tliša motheo go e bea go ona. A ka se tsoge a agile Kereke ya Gagwe godimo ga sehlopha sa ditšiebadimo. O swanetše go tla go Lentšu la Gagwe goba A ka se tle le gatee; thwi go Lentšu la Gagwe.

<sup>160</sup> Yo mongwe, e se kgale botelele, godimo fale, o rile, “Ngwanešu Branham, etla go Chautauqua.” Ke ba bakae ba bego ba le ka Chautauqua? Gobaneng, nno lebelela fa, boraro bja kereke goba bontši bo be bo le ka Chautauqua. E lego... Bjale, monna yola a tliego godimo fale morago ga sekgalela sela, gomme bohole le mo kwele, a sa tsebe gore ke tla tseba ka yona. Modimo a ka utolla ka kamoreng godimo fale se ba bego ba se bolela tlase fale, gomme, le a tseba, O ile a e dira. Go tla godimo fale, o rile, “Bjale, Ngwanešu Branham, oo, ke mohlanka wa Morena. Ge Moya o le godimo ga gagwe, ke moprofeta yo a tloditšwego, kgonthe o a tseba, Modimo o mmotša se se lego le se se ya go go ba; eupša thutamodimo ya gagwe, le se theetšeng yeo.”

<sup>161</sup> A kgopolو ya go hlakahlakana! Monna o kgona bjang go bolela seo? Gobaneng, ga senke ke... Gabotse, ge o sa tsebe dinawa tša go arogantšwa go tloga go kofi, o tla—o tla tseba bokaone go phala seo. O kgona bjang go tsoge wa nagana selo boka seo? “Gobaneng?” Gobaneng, lona lentšu *moprofeta* le ra “moutolli yo mokgethwa wa Lentsu.” O kgona bjang... Lentšu la Morena le tlie go moprofeta. Ga se nke ka re ke yena, ba e boletše. Eupša ke lena bao. Le a bona?

<sup>162</sup> Ka fao monna... Go swarelala thuto ye nnyane ya kereke felotsoko, gobane mokgatlo wa bona o ka se dumelane le Lona. Go rekiša ditokelo tša tswalo tša lena bakeng sa togotogo ya sopo, Esau, wena moikaketši wa go šokiša! Yeo ke nnete. Go rekišwa ga ditokelo tša tswalo tša lena bakeng sa togotogo ya sopo, bakeng sa togotogo ya kereke ya leina, togotogo ya mokgatlo woo Modimo a o hloilego. Nno elelwang, le re “mokgatlo,” Modimo o o hloile! Ke selo seo se arogantšego banešu, le go arogantšha... Go na le bontši Methodist, Baptist, le Presbyterian, bošegong bjo, ba tla ratago go ba le kopanelo go dikologa tafola ya Modimo. Eupša ge ba dira, ba tla ragelwa ntle thwi lekga la mathomo ba thoma ka go Lona. Yeo ke nnete tlwa.

<sup>163</sup> “Mama o be a le wa yona,” gomme ba no ba batlogolo le go thoma. Oo, nna! Ga ke kgathale mama o be a le wa eng, mama o phetše ka go Seetša sohle a bilego le sona letšatšing la gagwe, o phela mo letšatšing le lengwe.

<sup>164</sup> Saense e kile ya netefatša, e ka ba mengwaga ye makgolotharo ya go feta, ka go dikološa kgwele go rarela kloupu, e rile, “Ge sefatanaga e ka ba sefe se ka tsoge sa sepela lebelo la go šiiša la dimaele tše masometharo ka iri, maatla a lefase a tla e kuka go tloga lefaseng gomme a e iša ntle sebakabakeng.” Le nagana saense lehono e dumela seo? Ba kitima dimaele tše

lekgolo lesomesenyane ka iri. Ga ba lebelele morago go bona se ba se boletšego, ba lebelela morago, go bona se ba ka go se bona pejana.

<sup>165</sup> Eupša kereke ka mehla e nyaka go lebelela morago, go bona se Wesley a se boletšego, se Moody a se boletšego, se Sanký a se boletšego. “Dilo tšohle di a kgonega go bona bao ba dumelago,” a re lebeleleng pele! Selo se nnoši ka Beibeleng se lebeletšego morago... A le a tseba ke mohuta ofe wa phoofolo ka mehla o lebelelago morago? Bophelo bja fasefase bo lego gona. Ke ba bakae ba tsebago se bophelo bja fasefase bo lego gona bjoo bo sepelago? Segwagwa. Segwagwa ke bophelo bja fasefase bo lego gona, gomme motho ke bophelo bja godimodimo bo lego gona. Gomme segwagwa se lebelela morago. Ga ke rate bophelo bjola bja fase bja kgale. Ke nyaka go lebelela pejana, ke dumela, ke holofela, ke sepela ka go seetsa boka A le ka go Seetša, amene, boka A phadimiša Seetša.

<sup>166</sup> Nako ye nngwe tlase ka Kentucky ke be ke na le kopano, moisa wa kgale o tšwetše ntle, gomme o rile, “Oo, ga ke dumele phodišo yela.”

Gomme ke rile, “Gabotse, go lokile, o Moamerika.”

O rile, “Ga—ga ke dumele e ka ba eng ntle le go e bona.”

Gomme ke rile, “Gabotse, go lokile.”

O rile, “Bjale, ga ke na selo kgahlanong le wena, eupša ga—ga ke dumele se o se bolelagoo.”

Ke rile, “Ke tokelo ya gagwe mong ya Moamerika, ga wa swanela go dira.”

O rile, “Bjale, ga nke ka amogela selo ntle le ge se bona pepeneneng.” Mmm!

Ke rile, “Gabotse, bjale ke...yeo—yeo e lokile, o swanetše go be o etšwa Missouri.”

O rile, “Aowa, ke wa Kentucky.” Fše!

“Ga e kwagale gabotse bakeng sa Kentucky,” ke boletše. “Eupša, go le bjalo,” ke rile, “ge o...ke ka tsela yeo o naganago, eya pele.” Gomme o rile—o rile...Ke rile, “O ya gae bjang?”

<sup>167</sup> O rile, “Ke ya go putla thaba. Ke phela godimo... Gabotse, eya godimo le nna.” Monna yo mobose. O rile, “Eya gae le nna, o dule bošego bjhohle, Ngwanešu Branham.”

Ke rile, “Ke a duma ke be nka, ngwanešu.” Eupša, ke rile, “Ke ya godimo fa le malome wa ka.” Gomme o rile...Ke rile, “O nyaka go namela godimo?”

O rile, “Aowa, ke swanetše go ya godimo go putla thaba godimo fale, godimo ka tsela ye, le go theoga moetšana, le godimo,” le a tseba ka fao go lego tlase fale.

Gomme ke rile, “Gabotse,” ke rile, “o ya go fihla fale bjang?”

O rile, “Ke ya go rotoga tsela fale.”

“Gobaneng,” ke rile, “ebile ga o kgone go bona seatla sa gago pele ga gago.” Ke rile, “O ya go fihla godimo fale bjang?”

O rile, “Ke swere lantere!”

Gomme ke rile, “Gabotse, o dira bjang . . . O dira eng, o gotetša lantere lela gomme morago wa sepela ka lona?”

O rile, “Ee, mohlomphegi.”

Ke rile, “Ge o gotetša lantere lela, a o ka kgona go e swara bogodimo boka *bjo*? Ke rata go bona ngwako wa gago.”

O rile, “O ka se kgone go o bona.”

Ke rile, “Gona o ya go fihla fale bjang kua?”

“Oo,” o rile, “Ke tla no gotetša lantere; gomme ge ke sepela, e . . . Ke no sepela ge seetša . . .”

Ke rile, “Yeo e no ba yona. Amene, nno sepela mo Seetšeng.”

<sup>168</sup> Nno tšwelapele o sepela! O se eme tse, o ka se fihle felo. Ge o phološitšwe, sepela go ya tlhwekišong. O re, “O fihla fale bjang?” Nno tšwelapele o sepela. “A kolobetšo ya Moya wo Mokgethwa e ka morago ga tlhwekišo? Woo ke o hwetša bjang?” Nno tšwelapele o sepela Seetšeng. “A maswao, matete, le mehlolo . . . ?” Nno tšwelapele mo Seetšeng. Le a bona? Nno ya pele! Nako le nako o dira kgato, Seetša se tla taboga feela gannyane pele ga gago, gobane ka mehla O pele ga gago. Ga A kgorometše, O a hlahla. Ke Yena Seetša. Oo, ke thakgetše kudu ka seo. A ga le? Ke Yena Seetša, ka go Yena ga go leswiswi.

<sup>169</sup> “Wena o hloile mediro ya Bonikolaite.” Bo fetogile thuto. Bjale a re boneng se Paulo . . . Bjale, ke kereke ya mang . . . Ke mang a thomilego kereke ye bjale? Paulo, Efeso.

<sup>170</sup> A re phuthulleng morago bjale go Ditiro tema ya 20, feela motsotsso. Ditiro tema ya 20, gomme re bone se Paulo . . . A le a dumela Paulo o be a le moprefeta? Kgonthé, o be a le. Ka kgonthé, o be a le. Elelwang bošegong bjola pono ka ga lewatle la go tšutla, le go ya pele? Bjale, . . . le tšohle ka ga yona. Bjale tema ya 20 ya Mokgethwa . . . ya Eki . . . Ditiro, gomme a re thomeng bjale e ka ba te—te temana ya 27, gomme theetšang kgauswi bjale ge re bala. Bjale, yo ke Paulo, moprefeta, a bolelelapelle se se tla diregago.

*Gobane ga se ke šie go le botša keletšo ka moka ya Modimo.*

<sup>171</sup> Monna yola wa go šegofala! Oo, ke nyaka go ema fale letšatšing leo gomme ke bogele mphaphahlogo wola wa mohwelatumelo o bewa hlogong ya gagwe. Ge eba go ne selo se sebjalo bjalo ka ge nka lla, gona ke tla lla. Ke tla goelela, go bona Paulo.

Go bona Mokgethwa Paulo, moapostola yola yo  
mogolo,  
Le seaparo sa gagwe se dirilwe go taga le botse;  
Gomme ke ne kgontha go tla ba le bangwe ba  
goelela  
Ge bohole re fihla fale. (A ga le?)

<sup>172</sup> Bjale:

... *Ga se ke šie go le botša...keletšo ka moka ya Modimo.*

<sup>173</sup> A yeo ke nnete? Bjale, Bakriste, lebelelang ka tsela ye; ke nyaka go le botšiša se sengwe. E be e le mang a laetšego batho bao ba bego ba kolobeditšwe ka tsela ye nngwe ntle le Leineng la Jesu Kriste go tla le go kolobetšwa gape? [Phuthego e re, “Paulo.”—Mor.] O rerile keletšo ka moka. A yeo ke nnete? Gabotse? Gomme ke eng Paulo a e boletšego ka...ke a dumela e bile...Ga ke ne kgontha bjale ge eba ke Bathesalonika tema ya 1 gomme temana ya 8. “Ge ren a goba morongwa go tšwa Legodimong a ka rera ebangedi efe ye nngwe, ge morongwa a fologa go tšwa Legodimong gomme a rera ebangedi efe ye nngwe ntle le ye” (ntle le go laela batho go kolobetšwa gape Leineng la Jesu Kriste, le Ebangedi yeo Paulo a e rerilego)...“Ge morongwa e ka mang go tšwa Legodimong” (e sego...a go bolelwe ka pišopo, goba mokhadinale, goba mookamedipharephare, goba modiša, goba—goba se sengwe)...“Ge morongwa a fologa go tšwa Legodimong gomme a rera ebangedi ye nngwe ntle le Ye, a a be morogakwa.” Yeo ke nnete. A yeo ke nnete? Se a se boletšego, yeo ke Bagalatia 1:8. Ke nno direga go nagana ka yona. Go lokile, Bagalatia 1:8, ge le nyaka go ngwala yeo, le bone se Paulo a se boletšego.

<sup>174</sup> Bjale, fa o re... Bjale ya 27, ke a dumela temana ya 27:

... *Gobane ga se ke šie go le botša go...keletšo ka moka ya Modimo.*

<sup>175</sup> Bjale theetšang se se... Se ke seprofeto:

*Kagona hlokomalang go lenabeng, le go mohlape ohle, godimo...wo Moya wo Mokgethwa...o le dirilego baokamedi, go fepa kereke ya Modimo, ye a e rekilego ka madi a gagwe mong.*

<sup>176</sup> Ke mang a rekilego? E be e le madi a mang ale? Beibele e rile e be e le Madi a Modimo. Modimo, ka Madi a Gagwe mong. A yeo ke nnete?

... *fepa kereke ya Modimo, ye a e rekilego ka madi a gagwe mong.*

<sup>177</sup> Beibele e rile re pholositšwe ka Madi a Modimo. A le tsebile seo? Ka kgontha, A a dira. Go lokile.

... *e rekilego ka madi a gagwe mong.*

*Gobane ke tseba se, gore ka morago ga go tloga ga ka go tla tsena diphiri tše di garolago magareng ga lena, di sa babalele mohlape.*

*Gape le go lena beng* (Šetšang, monna yola o kgonne go lebelela tlase go kgabola sela gomme a bona selo sela se etla.) . . . *go lena beng banna ba tla tsoga, ba bolela dilo tša go fapoga, go gogela kgole barutiwa ka morago ga bona.*

<sup>178</sup> [Ga go selo lefelong la theipi—Mor.] Mengwaga moragorago ge a . . . Goba sehlopha sa banna seo se nyakago go dira mokgatlo le go tšea bo—bo bokgethwa le Moya wo Mokgethwa kgole go tloga go kereke, gomme ba Bea dipišopo le bomopapa le baprista, go . . . ba tla ba ba bakgethwa, gomme phuthego ya phela ka tsela e ka ba efe bona—ka tsela ye ba nyakago. Gomme ba tla lefela baprista gomme o tla ba rapelela go tšwa heleng, le se sengwe le se sengwe boka seo. Gomme ke Bonikolaite! Gomme Modimo o rile, “Ke hloile seo!” Bjale theetšang.

“Anke ke bone, gomme o re, ‘Modimo o rile O bo hloile?’”

<sup>179</sup> Bjale a re boneng ge eba O dirile:

*Eupša o na le se, gore o hloile mediro ya Banikolaite, ye le Nna ke e hloilego.*

<sup>180</sup> Modimo o hloile mokgatlo. Yeo ke nnete? Bjale le bona tlwa se ba bego ba eya go se dira, le bona se ba se dirilego. Bjale šetšang tlase go kgabola kereke ge ba sa dire seo. O hloile mokgatlo!

*Yoo a nago le tsebe, anke a kwe se Moya o se botšago dikereke; . . .*

<sup>181</sup> Bjale, *diphiri tša Paulo* di fetogile “Banikolaite.” Ba be ba leka go bopa boprista boka boprista bja Bolefi, e bego e le selo se sesèle go thuto ya Testamente e Mpsha. Amene! Lentšu *Nicko*, lentšu la Segerike *Nicko* le ra “go fenya, go fekeetša.” Go fekeetša eng? Maloko, Moya wo Mokgethwa. Go ntšhetša ntile ga kereke Morena Jesu yo a tsogilego ka maswao le matete magareng ga badumedi, gomme wa Bea banna ba boutetšwego go ba mopapa, goba wa nama . . . mokhadinale, goba mookamedi go leka go tloša Moya wo Mokgethwa go tloga go maloko gomme wa e fa lenanego le le bitšwago lenanego le lekgethwa la banna, go ba bea *godimo* ga maloko; e se go ba bitša *badiša* go rago “badiši,” *eupša tate*; ye Jesu a rilego, “Le se bitše motho ‘tate’ mo lefaseng le.” Le bona selo sela se sebe? Gomme re dirile eng?

<sup>182</sup> Oo, ge re ka kgona go ema. Ke duma re be re se ne mašego ohle a a kgobokane ka mokgwa wo, ke tla rata go tšea gosasa bošego tema ya 12 ya Kutollo le go le bontšha mosadi wa mmalegogwane yola wa kgale a dutše godimo fale, seotswa. Gomme yena . . . lebaka a bilego, gobane o be a dirile mabohlotlolo . . . le Modimo, gomme o ipiditše mohlologadi yenamong, gomme gape o be a le mmago bommalegogwana. A yeo ke nnete? Bjale, re a tseba

yola e be e le Roma, gobane o be a dutše godimo ga dithaba tše šupago, gomme se sengwe le se sengwe fela tlwa, monna ka go yena gomme ke palo ya sebata, le go ya pele. Bohle re tseba seo go tšwa dithutong tša go fela, o be a le mang. Eupša selo sa go nyamiša sa yona, o be a le mmago bommalegogwana. A ke mathomo a gagwe fa thwi, a thoma ka Roma bjalo ka sehlopha sa Bakriste, ba ba bitšwago Bakriste.

<sup>183</sup> Theetšang! Modimo a nthuše go e dira ya kgonthe! Sehlopha sa Bakriste ka go kereke boka ye. Ba bile fomale, le go fapanā, le go ngangela thoko, le go itlhōmela bonabeng mokgatlo. Gomme morago ba kopanya woo, ka go Lebaka la Leswiswi, le mmušo. Gomme mmušo le kereke tša ba se tee eng? Kereke ya Bokriste, “kereke ye Kgethwa ya Katoliki” e be e bitšwa, (Lentšu *Katoliki* ke, lentšu le ra, “lefasepharephare”), “kereke ye kgolo ya Bokriste ya lefasepharephare.” Gomme ba biditše batho bao ba boletšego ka maleme, le go goelela, le go fodiša balwetši, le go ya pele, “mahlanya.” Gomme bofelong ba e dirile bothata kudu go fihlela yo mongwe le yo mongwe a swerwe a rapela ka tsela yeo, o lahletšwe ka leweng la ditau, ge ba be ba sa amogele Bokatoliki. Yeo e ile lebaka la mengwaga yohle ye makgolo ye morago fale ya tlhomaro yela. Eupša Kereke yela ga sa nke ya hwa. O ka se kgone go E bolaya. Modimo o rile E tla phela go ya bofelong gomme morago O tla E fa mphaphahlogo wa Bophelo. Ya tla tlase go kgabola mabaka ale a tlhomaro.

<sup>184</sup> Morago gwa tla Martin Luther go tšwetšapele lebaka gomme o retolletše kereke ntle ka tlase ga tokafalo. Go diregile eng ge Luther a hwile? Ba e kgatlofaditše, ba e dirile kereke ya Lutheran; ba hreditše thuto. Ge ba e kgatlofaditše, ba dirile eng? Ba e fa tswalo thwi morago ka go Boroma gape. Nnete tlwa.

<sup>185</sup> Morago Moya wo Mokgethwa o tšwile go seo gomme Wesley o O bone. Gomme Wesley, le Whitfield, le George Whitfield, le ba bantsi ba bale ba bangwe, le—le Asbury, gomme ba bantsi ba bona ba be ba le batsološi ba bagolo. Ba pholosítše lefase letsatšing leo. Ba bile le tsošeletšo ka go Lebaka lela la Filadelifia yeo e pholosítšego Engelane, le United States le yona. Ba bile le dikopano moo ba ragetšwego ntle le go bitšwa “bapshikologibakgethwa.” Wena Methodist o be, o dirile seo; ba wela lebatong ka tlase ga maatla a Modimo, gomme ba be ba tšhela meetse sefahlegong sa bona le go ba fa moya. Yeo ke nnete. Gomme ba ubugile ka maatla kudu ka tlase ga ona, go fihla . . . ba hreditše go fihla ba rile “ba bile le meubogo.” Go be go ne batho ba tla ubugago le go šikinyega ka tlase ga maatla a Moya wo Mokgethwa. Yeo ke histori ya Methodist. Go tloga fao di Quakers le go ya pele; yeo bjale ba e kgatlofaditše.

<sup>186</sup> Ba dirile se Methodist, Primitive Methodist, le mohuta *wo* wa Methodist, le mohuta *wola* wa Methodist, go fihlela e theogetše tlasetlase go fihlela batho ba Methodist ba nyaka go tloša “Madi” go tšwa dipukung tša bona tša dikopelo.

<sup>187</sup> Fa bošegong bjo bongwe, go lenaneo la thelebišene (Mme wa ka o mpiditše.) ba bile le modiša wa Methodist, thwi fa ka Indiana, a ruta rokenrole ka kerekeng. O rile, “Ke dihlong gore re šitilwe go bona bokgabo bjo bobotse bjo bjoo bo yago ka kerekeng.”

<sup>188</sup> Yoo ke diabolo ka go moprofeta wa maaka! Thwi! Ga ke nyake go gobatša maikutlo a lena eupša, ngwanešu, yeo ke Therešo ya Modimo. Bokaone ke befedise lena gannyan nthatana ka tsela ye le go le dira le ithute Lengwalo, mohlomongwe le loke le Modimo, go phala go lahlega mo bofelong. Le ka no se nthate bjale, eupša letšatšitsoko o tla bea letsogo la gago go ntikologa, wa re, “Ngwanešu Branham, yeo ke Therešo.” Yona še thwi fa, gomme ba ya ka go yela. Ke moo ba . . . E no ba fale. Beibe e rile ba tla dira seo.

<sup>189</sup> Morago go tloga go Wesley, ge Wesley a dirile seo, morago go tla Mapentecostal. Gomme ba bile le pušetšo ya dimpho, ba thomile go bolela ka maleme, kolobetšo ya Moya wo Mokgethwa.

<sup>190</sup> Feela boka thoro ya lebele e etla godimo go tšwa mobung. Selo sa mathomo, e a bola. E tliša mahlare a mmalwa. Morago e . . . O ne tšhemmo ya lehea, o a nagana. Lehlare lela le melela godimo gomme le dira lenono. Le ka pele, e be e le Lutheran. Lenono, e be e le eng? Methodist; modula, leratano la baena, boebangedi, modula o ya ntle ka go ba bangwe.

<sup>191</sup> Gobaneng, le yona tlhago e tteleima mabaka a a kereke. Methodist e etšwa go tlhakatlhakano . . . goba, ke ra, Lutheran e etšwa go tlhakatlhakano. Methodist e hlohlora leratano la yona la boena, le letšatši la boebangedi, le—le letšatši la—la boromiwa. Letšatši le legolo la boromiwa lefase le kilego la ke la le tseba e bile nako ya Methodist. Yeo ke nnete. E hlohlora modula wa yona.

<sup>192</sup> Go diregileng go tšwa fale? Go tšwa go modula wola go tšweletše tsebe ya lehea, Mapentecostal. Thoro, feela boka selo sa go swana se ilego ka gare. E sego lehlare, e sego lenono, eupša thoro. Gomme bjale ma—ma Mapentecostal a ne phori godimo ga thoro yela, go fihla e . . . ebile go thata go bona thoro. Ke nako go e hlatswa! Amene. Ba dirile eng? Ba dirile selo sa go swana Mamethodist ba se dirilego. Yo mongwe o ba kgatlofaditše sehlopha, o rile, “Rena re Assemblies of God.” Yo mongwe o rile, “Rena re Pentecostal Holiness.” Yo mongwe, “Rena re Oneness.” “Rena re Twoness.” Gomme—gomme go ne bontši kudu bja *ye*, le bontši kudu bja bona. Nna! Ba otlela kamela ya thota e tee, thota tše pedi, thota tša tharo, se sengwe le se sengwe. Oo, go ne masometshela, goba masometharo, goba masomenne a mekgatlo ya go fapana ya bona.

<sup>193</sup> Ba dirile eng? Ba e lahletše thwi morago go Boroma gape, ba kolobeditše ka kolobetšo ya Kereke ya Katoliki ya Roma. Ke botšiša Mopentecostal e ka ba ofe bjale go ntaetša moo e ka ba

mang ka Beibeleng a kolobeditšwego leineng la “Tate, Morwa, le Moya wo Mokgethwa.” Ke botšiša pišopo e ka efe, mokadinale, morutiši e ka ba ofe, go ntaetša moo e kilego ya ke, e kilego ya ke ya dirwa ka ntle le kereke ya Katoliki. Gomme Luther o e tlišitše le yena, o tlišitše katekisima le se sengwe le se sengwe gape go tšwa go yona. Methodist e tšwetšepele ka yona. Mapentecostal, le swanetše go ba le dihlong! Hlwekišang! Boang morago go Lentšu! Sokologang goba Modimo o tla tloša sehlonakerese go tloga go lena, Seetša seo le nago le sona. Amene! Go lokile.

<sup>194</sup> Le ntšhetša ntle Moya wo Mokgethwa bjalo ka Moetapele, gomme la ba fa lenaneo le lekgethwa la banna, gomme la ba bea godimo ga maloko. Gomme la se ba bitše “modiša, badiši,” (Re swanetše go bitšwa *badiša*, “badiši,” lentšu *modiša* le ra.) eupša “tate, mokhadinale, mopišopomogolo, goba mookamedipharephare.” Ba therešo ba hloile selo se! Gomme Modimo o e thekgile go bona, gomme o rile, “Ke e hloile, le nna!” Gobane O swanetše goba mookamedipharephare, mopišopomogolo, le mopapa. O šoma ka motho ka motho; e sego mokgatlo, eupša motho.

<sup>195</sup> Bjale, sa go tlabā... Theetšang, ge re etla go tswalela. Re no ba le temana ye nngwe.

<sup>196</sup> Fa re ne thutotaelo ya Bokatoliki e thomega, tlthatlamano ya boapostola. Ke ba bakae ba tsebago seo? Boapostola. Bjale Katoliki e bolela gore “Mopapa lehono ke mohlatlami wa Petro, tlthatlamano ya boapostola.” Ga go ne selo se sebjalo. Go bjang ya senama ya lena, tlhologelo ya thobalano... Go bile bjang gore Esau le Jakobo ba belegwe bobedi ke tate yo mokgethwa le mme yo mokgethwa, gomme o tee wa bona Mokriste gomme yo mongwe diabolo? Uh-hum. Go kgonega go ba bjang? Gobane sebe ke sebe, gomme thobalano ke thobalano, eupša Modimo o fa Tswalo.

<sup>197</sup> Modimo o a re kgetha go tloga motheong wa lefase. A le tsebile seo? Letang go fihla re fihla go go baleng borahistori ba, gomme le šetše ka fao Irenaeus...ka fao a fago Modimo tumišo bakeng sa go mo kgetha pele ga motheo wa lefase; ka fao Mokgethwa Martin le bohole bale, ba Mo fago tumišo; Modimo, tumišo. O rile, “Gobane...” Le batho ba bolela ka yena, ba re, “O kgethilwe pele ga motheo wa lefase.” Leo ke Lengwalo. Banešu bale ba be ba le mothalong le Modimo. Eupša kereke ya kgale ye ntsho ye e tla go kgabola yona mengwaga ye lekgolo ya Mabaka a Leswiswi, e kgotletše selo ka moka boka lelampi le thunya muši, e pipetša Dietša. “Eupsa go tla ba Seetša nakong ya mantšiboa,” Morena o boletše.

<sup>198</sup> Tlthatlamano ya boapostola, yo motee ka morago ga yo mongwe; mopapa o tee, gomme o swanetše go ba lešikeng la bomopapa pele o ka ba mopapa. Oo, nna, nna! Tšeо ke ditšiebadimo. Ma—ma maloko... E sego ba bakethwa le baloki,

eupša . . . ba dumelela . . . ba dumelela—ba dumelela baprista go ba rapelela le go ba ntšha dibeng tša bona, go swareleng dibe tša bona, ba lefela tšhelete bakeng sa boipolelo.

<sup>199</sup> Maprotestant ba dira sa go swana! Ba leka go ba . . . ba phaphatha modiša wa bona ka mokokotlong gomme ba phela bjalo ka lefase ka moka. Gomme ga a tsebe selo ka Modimo go feta a dira . . . o ba dumelela ba dula ka kerekeng ya gagwe gomme a ba bitša maloko a kereke ya gagwe, le go ba dumeleleng ba dula ka fale le go ba botša gore ba phološitšwe. Ba tla nyama bjang letšatšing lela ge ba se ba tswalwa gape! Ka ntle ga Moya wo Mokgethwa o lahlegile. Ga go motho a ka go re, “Jesu ke Kriste,” feela ka Moya wo Mokgethwa.

<sup>200</sup> Kereke yela ya therešo ka Efeso e be e se ya forwa ke tše tša go pholetšwa, dipolelo tše bohlale. O . . . Ba e hloile. Ba be ba se ba forwa, ba a tseba; Kereke ya therešo e be e se ya dirwa.

<sup>201</sup> Kutollo ya maaka yeo bainsa ba ba bilego le yona, ba biditšego Banikolaite, ye e sa dirišanago le Lentšu la Modimo. Mpotsé moo o kilego wa ke wa bona “moprista boipolelong” e rutwa ka Beibeleng fa. Ke kae o kego wa bona “gofafatšwa” go rerwa ka Beibeleng fa bakeng sa tebalelo ya sebe? Ke kae o kego wa bona e ka ba mang a kolobeditšwe leineng la “Tate, Morwa, le Moya wo Mokgethwa” bakeng sa tebalelo ya sebe sa gago? Ke kae o ka tsogego wa bona se, “Go fa seatla se setona sa kopanelo, le go beeng leina la bona go puku ya kereke” ka fale? Ke kae o tsogego wa bona selo sohle se? Ke eng? Ke boprista goba bo—bo boruti bjoo bo sego bja nepa le Lentšu, gomme ke bona Banikolaite, gomme Modimo o rile, “Ke ba hloile!” Boelang morago go Lentšu. Oo, yeo ke . . . ke a tseba seo se thata, baena, eupša ga—ga—ga ke ne boikarabelo; go Jesu, ngangang le Yena.

<sup>202</sup> Kutollo ya maaka, e sego le Lentšu, eupša, o ba biditše “baaketsi, baapostola ba maaka, baprofeta ba maaka.” Eupša Kereke ya therešo e swareletše go thuto ya setlogo ya Mokgethwa Paulo le kolobetšo ya Moya wo Mokgethwa, ka mehlolo e latela le go tiišetša Lentšu leo Paulo a le rutilego. Amene! Mpontšheng moo Modimo a ka tsogego a tiišeditše lentšu la go fafatša. Mpontšheng moo Modimo a ka tsogego a tiišetša, le go tliša go bolela ka maleme le dilo tše kgolo, ka go no šikinya diatla le modiša felotsoko le go beeng leina la gago pukung; gomme o sa sohla, kgoga, nwa, bolela maaka, diphathi tša dikarata, go ba le boipshino bjo bonnyane, go ya . . . Oo, kgaogelo! Yoo ke wa nama, moprofeta wa maaka, mogwera. Ee, mohlomphegi.

<sup>203</sup> Tsela ya Modimo ke bokgethwa. Anke se se tsebje go moleloko yo mongwe le yo mongwe fa wa Mmele wa Kriste: go fihlela o phela bophelo bjo bokgethwa, Modimo o gana sehlabeledo sa gago. Sehlabeledo se swanetše go neelwa ka diatla tše kgethwa. Ke gore . . . ? . . . nnete. Moprista yo mogolo pele a ka tsoge a tla go neela sehlabeledo, o be a swanetše go ba yo mokgethwa, le wa

go ikgafa, le wa go tlotšwa, le wa go nkgišwa bose, le se sengwe le se sengwe, pele a ka tsoge a sepelela ka bogoneng bja Modimo go neela sehlabelo. A yeo ke nnete? Gona o kgona bjang go ya ntle fa gomme wa hlotlola, le go utswa, le go nganga, le go lwa le baagišani ba gago, le se sengwe le se sengwe gape, gomme wa tšwelapele ka tsela ye o dirago, gomme morago wa tla gomme wa re, “O Morena Modimo! Tumišang Jesu! Haleluya!”?

<sup>204</sup> Batho ba re, “Ke ba bona ba bolela ka maleme.” Seo se sa no se re gore ba ne Moya wo Mokgethwa. “Ke ba kwa ba goelela.” Seo se sa no se re gore ba ne Moya wo Mokgethwa. Moya wo Mokgethwa ke bophelo.

<sup>205</sup> Beibele e rile, “Pula e fela e etla godimo ga lefase, go le lokiša, go le apeša bakeng sa se le se lokišeditšwego,” (Bahebere 6) “eupša meotlwa le ditšhašo tše di lego kgauswi le go ganwa, tše bofelo bja tšona e lego go tshungwa.”

<sup>206</sup> “Letšatši le hlabela baloki le ba go se loke. Pula e nela baloki le ba go se loke.” Pula e tla go dira semela sa korong (re tla se bitsa), le ngwang wo mongwe le wo mongwe woo o lego ka tšhemong. Ge korong e nyorilwe, gona ngwang o nyorilwe. Gomme pula ya go swana yeo e nošetšago korong, e nošetša—e nošetša ngwang gape. Korong ye nnyane ya kgale e tla tsošetša hlogo ya yona godimo gomme ya goelela, “Tumišang Morena! Haleluya! Haleluya! Ke thakgetse kudu go hwetša pula ye!” Ngwang wo monnyane wa kgale o tla goleša, “Letago go Modimo! Tumišang Modimo! Haleluya! Ke thakgetše ke E hweditše.”

<sup>207</sup> “Eupša o tla di tseba ka dikenywa tša tšona.” Yeo ke nnete. “O tla di tseba ka dikenywa tša yona.”

<sup>208</sup> Temana ya 7, gomme morago re a tswalela, ye ke ya mafelelo ya lebaka la kereke Bjale re tla ba thari e ka ba metsotso ye mehlano, goba lesome, feela motsotso.

*Yo a nago le tsebe, anke a kwe se Moya o se botšago dikereke; Go yena yo a fenyago Ke tla mo fa go ja go mohlare wa bophelo, wo o lego gare ga paradeisi ya Modimo.*

<sup>209</sup> Bjale lebelelang, bagwera, fa go tsela ye le fenyago. Sa pele le swanetše go fenza, morago le ka kgona go ja kenywa. Ke mofenyi. Le a gopola bošegong bjo bongwe, thuto ya rena bošegong bja go feta? Johane o be a swanetše go tsena Moyeng pele a bona e ka ba eng. Gomme o ya go dula bjang, o re, “Ge a se Mobaptist, ga ke ye go mo theetša”? “Ge a se Moprisebyterian, ga ke ye go mo theetša.” “Ge a sa rute feela tlwa se kereke ya ka e se rutago, ke . . .” Ga—ga—ga o ye go fenza, ga se wa be wa tsena Moyeng. O gohle ka ntle ga lenaneo.

<sup>210</sup> Tsena Moyeng, o re, “Morena Jesu, ke a Go rata, bjale utolla go nna e ka ba eng yeo O banago e swanetše, nno e tliša go nna.” Gona o—gona o tla go lokeng. Yeo ke nnete.

<sup>211</sup> Hlokamelang, makga a mararo Beibele e bolela ka—ka Mohlare wa Bophelo ka go Genesi, makga a mararo ka go Puku ya Kutollo. Letšatši le lengwe re bile le yeo. Le a elelwā? Lamorena, maabane. E nnoši... Diabolo o hloile nthatana ye nngwe le ye nngwe ya Lengwalo e lego gona, eupša o hloile, gampempe, Genesi le Kutollo. O hlasela Genesi ka lebaka la nepagalo ya yona, gobane o nyaka go dira batho ba dumele gore E be e se bjalo; “Genesi ga se e tle ka tsela yeo Modimo a rilego ba dirile, go bile le se sengwe gape se hlotšego tlholo ye le selo.” Ka gona o E hlasela ka tsela yeo. Gomme o tloša batho go Kutollo gobane E utolla: Jesu go beng Modimo, gomme yena go beng diabolo (gomme o sentšwe), le letago la Kereke ye e hlatswitšwego e eya gae go Modimo, le tshenyego ya mōprofeta wa maaka, le bona bohole bao ba aketšago le go dira se sengwe le se sengwe ba yago go lahlelwa letsheng ka mollo. Ga go makatše o ba beela kgole le Yona. Eupša, elelwang, bobedi bja mafelo bo bolela ka Mohlare wa Bophelo ka Paradeising.

<sup>212</sup> Bjale a re tšeeng se feelsa motsotso, gomme bjale “Mohlare.” Mokgethwa Johane tema ya 6, ge le nyaka go e maraka, Jesu o rile, “Ke nna bo—bo—bo Borotho bja Bophelo.” Bjale, elelwang.

<sup>213</sup> Bjale re ya go diriša dipala tše tše pedi bjalo ka sekafa. Kafao, feelsa pele re tswalela bjale. Bjale, ka go seatla sa ka se setona ke mohlare ka serapeng o bitšwago Mohlare wa “Bophelo,” ka go letsogo le letshadi la ka ke mohlare ka serapeng woo o bitšwago mohlare wa “tsebo.” Ke ba bakae ba tsebago gore Beibele e bolela gore go ne Mohlare wa Bophelo le mohlare wa tsebo? Bjale, motho o be a le go phela ka Mohlare wa Bophelo, e sego go kgwatha mohlare wa tsebo. A yeo ke nnete? Gomme lekga la mathomo a o kgwathilego, o ikarogantše yenamong go tloga go Mohlodi wa gagwe. O lahlegetšwe ke kopanelo ya gagwe—ya gagwe le Modimo ge a tšere mokgemo wa gagwe wa mathomo wa tsebo. Bjale, naganang thata bjale. Le lena le ngwalago dinoutso tša lena, ke tla fa nako gore le kgone go e hwetša, gobane ga ke nyake le hlaiwe ke se.

<sup>214</sup> Jesu, ka go Mokgethwa Johane 6. Ba be ba enwa go tšwa mothopong, gomme ba fošetša diatla tša bona godimo le go bea dikwero fale, gore, botate ba bona ba nwele go tšwa Leswikeng la semoya, le go ya pele. O rile, “Ke nna Leswika lela le bego le lešokeng.”

<sup>215</sup> Gomme ba rile, “Ke wena fa o bolela gore o ‘be o le pele ga Abraham,’ gomme o monna a sego ka godimo ga bogolo bja mengwaga ye masometlhano. Gomme o bolela gore o ‘bone Abraham?’ Re tseba seo bjale, gore, o a gafa, o diabolo.” Le a bona?

<sup>216</sup> O rile, “Pele Abraham e bile, KE NNA.” KE NNA o be a le ka sethokgweng le Moshe, sethokgwa se se tukago, KE NNA. “Pele Abraham a bile, KE NNA”; e sego “Ke be ke le.”

<sup>217</sup> Bjale, lena batho bao le rego matšatši a mehlolo a fetile, le tla swanela le dire Lengwalo le re, “Ke be ke le Ke be ke le yo mogolo.” Le a bona?

<sup>218</sup> E sego “Ke be ke le,” goba “Ke tla ba”; “KE NNA,” yeo ke ka nako yohle. Yena ke wa Gosafelego. Lentšu “KE NNA” ke Gosafelego, lebaka la bona lohle, nako yohle, ka go dihlomakerese tše di šupago tša gauta tšohle, kereke ye nngwe le ye nngwe, lefelo le lengwe le le lengwe, pelo ye nngwe le ye nngwe. “KE NNA,” (e sego “Ke be ke le” goba “Ke tla ba”) “Ke nna gonabjale bjalo ka ge ka mehla Ke bile.” Le a bona? “Ka mehla, KE NNA.”

<sup>219</sup> Ba rile, “Botatawešo . . . Ga re go tsebe. Re a tseba o diabolo.” Ba rile, “Botatawešo ba lle mana ka lešokeng tekano ya mengwaga ye masomenne.”

<sup>220</sup> Gomme Jesu o rile, “Gomme bona yo mongwe le yo mongwe o hwile.” Yeo ke nnete? “Bohole ba hwile. Eupša Nna . . .” Oo! “Ke nna Borotho bja Bophelo bjo bo tšwago go Modimo Legodimong. Ge . . . Borotho bja Bophelo. Ge motho a eja Borotho bjo a ka se tsoge a hwa.”

<sup>221</sup> “A monna yo o tla neela mmele wa gagwe, go lewa?” ba rile, “Bjale o a gafa, kgonthe go lekanel.”

<sup>222</sup> Borotho bja Bophelo bo be bo etšwa go Mohlare wa Bophelo, moo ba bego ba eja, go tloga serapeng sa Edene. O be a le Mohlare wa Bophelo. Bjale, ge Mohlare wa Bophelo e be e le Motho, gona mohlare wa tsebo e be e le motho. Bjale bolelang sephente e be e se na peu! Ge Bophelo bo etla ka Monna, lehu le tla ka mosadi. Go lokile, o be a le mohlare wa lehu.

<sup>223</sup> Ka pejana ge—ge se se mo kgotlela, e se dirilego (sephente), o rile, “Sephente e mphorile.” Yeo ke nnete. E sego nogá; o be a le yo bohlajana kudu go dibata tšohle, o be a le magareng ga tšimpantshe le motho. Peu ya phoofolo e ka se kgone go tswaka le mosadi, e ka se e dire; eupša moisa yo o be a le, o be a le makopanyo a kgauswi le yona. Gomme Modimo o beile thogako e bjalo go yena O mmeile thwi morago go mpa ya gagwe, le go se be le maoto, gomme o tšere lerapo le lengwe le le lengwe go yena gomme o e fetotše go tloga go e ka ba eng ya go swana le motho. Saense e leka o epolla tšhemmo. Yeo e fihlilwe ka go diphihlo tša Modimo, ka bogareng bja Paradeisi ya Modimo. Kutollo ya lena šeo.

<sup>224</sup> O belege morwa wa gagwe wa mathomo e bego e le Kaine (A yeo ke nnete?), morwa wa Sathane, morwa wa Sathane. Ge ba sa nke, yola—yola yo mobe o be a tla tšwa kae? Go tšwa go Adama a bego a le morwa wa Modimo? O tšwa go diabolo, tatagwe. Gomme o bolaile; mmolai wa mathomo e bile diabolo, morwa wa diabolo.

<sup>225</sup> Šetšang go diregile eng ka morago ga fao, šetšang lešika la Kaine. Pele go theoga leloko lela leo le latetšego, morago ga

Kaine, le be yo mongwe le yo mongwe a le rasaense le banna ba bagolo. Balang Beibele. Ba agile mengwako, ba šomile ka tshipi, gomme ba be ba le boramahlale. Eupša yo mongwe le yo mongwe yoo a tšwago go Sethe, (E lego Abele o hwile, sekai sa Jesu, o hwile; gomme Abele o hwile, gomme Sethe o tšere legato la gagwe: lehu, poloko, le tsogo.) . . . go tšwa wa yena go tla balemi ba go kokobela, badiši ba dinku ba tla go kgabola leo.

<sup>226</sup> Bjale Jesu o rile, “Botataweno ba lle mana ka lešokeng gomme ba hwile bohle. Eupša Ke nna Borotho bjola bja Bophelo,” (Bofe Borotho bja Bophelo? Go tloga Edene!) “bjoo motho a ka jago Borotho bjo gomme a se tsoge a hwa.” Bjale, Modimo o beile Morongwa go dikologa Mohlare wola wa Bophelo, go o hlapetša gore go se be motho a ka go o kgwatha, ntle le ge ba ka ja Mohlare wola gomme ba phela go ya go ile. A yeo ke nnete?

<sup>227</sup> Gobane, ba be ba swanetše go tšwelapele go mohlare wo gomme ba hwe. A yeo ke nnete? Gobane, ge feela ba swanetše go ja go woo, ba hwile. Gomme feela ka kgonthe bjalo ka ge o ehwa gobane o ja go mohlare wa tsebo . . . Bjale, a re lebeleleng mohlare wola wa tsebo bjale. Lebelelang se o se dirilego. Bjale a re boneng se o se dirilego. Selo sa mathomo, a re boneng, o . . . Gabotse, a re boneng o tee woo bona . . . o hlamile puere ya sethunya. E bolaya bagwera ba rena. Yeo ke nnete, go bolayana seng ka puere ya sethunya, go tšwa mohlareng wa tsebo. Selo sa go latela re se dirilego, nna, a re boneng, re—re hlamile sefatanganaga, go tšwa go mohlare wola wa tsebo. Se bolaya bontši go fetiša puere ya sethunya e dira. Oo, ya! Bjale, re na le pomo ya haetrotšene. Modimo ga a senye selo, motho o itshenya yenamong ka tsebo ya gagwe.

<sup>228</sup> Eupša tšohle tšeо e lego tša Modimo, Modimo o tla di tsoša gape; Modimo ga a lahlegelwe ke selo. Jesu o boletše bjalo, yeo ke nnete, “Yo a jago Borotho bjo o na le Bophelo bjo Bosafelego, gomme ke tla mo tsoša gape mo letšatšing la mafelelo.” Yeo ke tshepišo ya Gagwe. Bjale, Modimo . . .

<sup>229</sup> Ba pele ka kudu, ba eja go mohlare wa tsebo gomme ba a hwa. Eupša ka pela ge ba ka fihla go Mohlare wo, ba tla phela go ya go ile.

<sup>230</sup> Bjale sebakeng sa Morongwa ntle fale a ba thibela go Mohlare wo, o ntle fale a ba gapela go Mohlare wo; barongwa ba dikereke, dikereke tše šupago, go ba tliša morago go Leina la Jesu Kriste yo a lego Mohlare wa Bophelo woo o emego ka Paradeising ya Modimo. Fše! Nna! Ke a holofela le swara seo. Mohlare wa Bophelo o eme ka Paradeising ya Modimo gore o ke o je go Yena gomme o be morwa le morwedi wa Modimo gomme o phele go ya go ile. “Yo a kwago Mantšu a Ka gomme a dumela go Yena yoo a Nthomilego o na le Bophelo bjo Bosafelego, gomme

a ka se tsoge a tla kahlolong eupša o fetile go tloga lehung go ya Bophelong.”

<sup>231</sup> Ngwanešu, kgaetšedi, bjale nna ke... ke... Kgonthé, ke... ke—ke le segile, go le gobatša. Ga—ga se ke re go dira ka mokgwa woo. Le a bona? Modimo o tseba seo, eupša ke swanetše go e dira ka tsela ye go le dira le bone moo re lego. Ga ke dumele re ne bontši bottelele kudu go dula. Ga ke leke go le kgeloša gobane le ba mokgatlo. Seo ga se sona. Batho ke batšwasehlabelo sa boemo. Ga ba tsebe selo go dira; tšohle batswadi ba bona ba go dirilego ke go tšoena kereke le dilo.

<sup>232</sup> Eupša, ngwanešu, selo se tee pele re tloga, anke ke dire setsopolwa se sengwe gape. Mopropfeta o rile... A le dumela bapropfeta? Beibele e boletše go ba theeletša. Mopropfeta o rile, “Go tla tla nako moo go ka se bego mosegare goba bošego, eupša go tla ba mohuta wa letšatši la leuto. Eupša mo nakong ya mantšiboa, feela pele letšatši le dikela, go tla ba Seetša.” A yeo ke nnete?

<sup>233</sup> Bjale lebelelang se re bilego le sona. Bjale, a re no lebelelang. Letšatši le dira bjang... Letšatši le hlaba kae, ka thutalefase? Ka bohlabela. A yeo ke nnete? Le dikela ka bodikela. Ke duma nkabe ke... Ke tla tšea mmepe gosasa bošego le go le bontša. Ge Moya wo Mokgethwa o wela ka Jerusalema, O dirile seswantšho sa go phethagala seswai, mohlala wa Wona. O ya thwi ka go lokologa go putla godimo ka go Ireland, thwi morago go dikologa, thwi godimo, le go tla go Lebopo la Bodikela, le go wela thwi morago gape; seswantšho sa go phethagala sa seswai moo Ebangedi e ilego. Bjale, tlhabologo e sepetsé le letšatši. Ke ba bakae ba tsebago seo? Le rutilwe seo gomme le a se tseba. Tlhabologo ya kgalekgale re nago le yona ke Tšhaena, gomme morago go tloga fao e tla thwi pele go kgabola ka bohlabela. Gomme ge Moya wo Mokgethwa, e segol-e-t-š-a-t-š-i, eupša M-o-r-w-a... .

<sup>234</sup> Ge letšatši, l-e-t-š-a-t-š-i, le thoma go hlabela fase go kgabola kgodi le mouwane wa bošego, ga go kgathale moo peu e lego, e tla phela; gobane bophelo bjohle bja dimela bo phela ka letšatši. Re tseba seo. O ka tšhela khonkhoriti thwi go kgabola seripa sa bjang, gomme seruthwana sa go latela, bjang bjo bokotokoto bo kae? Thwi ntle bofelong bja khonkhoriti. Gobaneng? Ke bophelo bjola ka tlase fale, o ka se fihle bophelo bja kgonthé. Bophelo bjola bjo bonnyane, ka pela ge bo tseba gore letšatši lela le hlapa go feta fale, le tla huthumatša tsela ya lona lebaka la seripa sa poloko ya toropokgolo go nyakile, go rarela go dikologa ka tlase ga khonkhorite yela go fihla e ka kgona go nyaretša hlogo ya yona thwi godimo ka sebakabakeng le go ya go tumiša Modimo.

<sup>235</sup> O ka se fihle Bophelo. Yeo ke nnete, BOPHELO. Ge o tswalwa gape o ka se Bo fihle. Se sengwe se swanetše go goeletša ntle ge o hweditše Bophelo.

<sup>236</sup> Bjale, dilo tšohle tše di hwilego bjale, le—le dipeu tše nnyane di phatloga go bulega, modula o fedile, gomme e hwile, eupša bophelo bo sa le fale. Bjale, ge letšatši le thoma go hlabka seruthwane, matšoba a mannyane a tla godimo, gomme se sengwe le se sengwe se tla nyaretša hlogo ya sona godimo gape (ntle go tšwa ka tlase ga menga, ntle go tšwa ka tlase ga dikota, ntle go tšwa ka tlase ga maswika), e tla tsoga gape, le go phela gape. A yeo ke nnete? Gobane l-e-t-š-a-t-š-i le hlabile.

<sup>237</sup> Bjale, letšatši le lengwe M-o-r-w-a o tla hlabka, e lego Mothomi wa Bophelo bjo Bosafelego, gomme se sengwe le se sengwe seo se nontšheditšwego go Yena bakeng sa Bophelo bjo Bosafelego, O rile, “Ke tla e tsoša mo letšatšing leo.” Le bona se ke se rago? Bophelo bjo Bosafelego bo tla tsošwa mo matšatšing a mafelelo. Ge ba ka go boloka ka lewatleng, goba ba tshuma mmele wa gago le go o fošetša go diphefo tše nne tša lefase, Modimo o tla o tsoša mo letšatšing la mafelelo. Ge eba o swanetše go tlatša mpa ya tau ye e swerwego ke tlala, goba—goba go ya ka go dipitša tše di laumago tše di tla tšeago tšohle di—di—di dipetroleamo tše lesometshela le dietša tša lefase le se sengwe le se sengwe go tšwa go wena, Modimo o tla se tsoša. “Yona meriri ya hlogo ya gago e badilwe.” Amene! Modimo o tla e tsoša!

<sup>238</sup> Bjale, lebelelang fa. Bjale, ge motho yo mongwe le yo mongwe a ehwa ka mosadi, gona motho yo mongwe le yo mongwe o a phela ka Monna. Eja go mosadi ka mohuta wola wa bophelo, o a tseba o tla hwa. Ga go tsela go tšwa go yona, o ya go hwa. Gomme ka kgontha bjalo ka ge o tše Woo, o ya go phela; ga go ne tsela go tšwa go yona, o swanetše go phela. Amene! Ge eba se se tšweletsa lehu phosithife, Wo o tšweletsa Bophelo phosithife. Yeo ke tsela e nnoši o ka e amogelago, ke go ba le Bophelo.

<sup>239</sup> Bjale, moprofeta o boletše, gore, “Go tla ba Seetša nakong ya mantšiboa.” Bjale lebelelang. O rile go tla ba le letšatši leo go tla bago leuto, le ka se bitšwe mosegare goba bošego. Ke mohuta wa go ba maru, mouwane, letšatši la go tonya, eupša efela Morwa o fa Seetša. Godimodimo ka godimo ga kgodi yela le maru le go ya pele, Morwa o fa Seetša. Le fa Seetša sa go lekanelo o ka kgona go sepela, gomme o ka kgona go bona ka fao o ka fihlago tikologong, le go ya pele, eupša efela ga—ga se go etše, letšatši le lebotse. Le a bona? Bjale, le gannyane ga go selo se ka go phela letšatšing leo.

<sup>240</sup> Ge o ka bjala e ka ba eng ka tlase moo letšatši le sa e bethego, e a golofatšwa. A ga se nnete? Lena balemi le tseba seo. Bea lehea godimo mo morithing goba felotsoko, šetša, o a le golofatša. Fred, o swanetše go tseba seo ka korong ya gago. O le bea ntle fale, gomme ge o ne selemo se sebe, oo, sa go tonya le pula, e a e golofatša.

<sup>241</sup> Gabotse, seo ke se e lego bothata ka kereke tlase go kgabola mabaka a, e golofaditšwe. E golofaditšwe ke dikereke tša maina,

“Bea leina la gago mo pukung. Re bile le Seetša go lekanelo go tseba gore Modimo o gona.” Ke thakgatšwa ke seo. “Re bile le Seetša go lekanelo go tseba gore Kriste o gona, go na le kahlolo ye e tlago. Re bile le Seetša; kafao re bea maina a rena mo dipukung, re šišintše diatla le modiša, le go ya pele, gomme re dirile seo.” Go lokile, eupša bjale ke nako ya mantšiboa.

<sup>242</sup> Bjale, tlhabologo e tla go tšwa bohlabela go ya bodikela, gomme bjale re ka Lebopong la Bodikela. Re ka se sa ya pele; re tshelela mošola, re morago ka Bohlabela gape. Re ka se ye pele, re ka Lebopong la Bodikela.

<sup>243</sup> Bjale, Beibele e rile, “Mo nakong ya Mantšiboa Seetša se tla tla.” Bjale, ke mohuta mang wa letšatši woo o phadimago nakong ya mantšiboa? A ke letšatši la go fapana le la go hlaba mosong? Ke letšatši la go swana. A yeo ke nnete? Gabotse, gona, Modimo o tshepišitše eng? Bjale re ya go fihla go ye, e swareng, thwi tlase fa go lebaka *le*. Beibele e boletše bjalo, ke tla e netefatša, mabaka a a kereke, ge re eya pele, gore, “Mo nakong ya mantšiboa go tla tla Seetša se tsupologago ka Bodikela seo se tla bušago morago Letšatši la Toko gape ka phodišo diphegong tša Lona. Gomme maswao a go swana le matete a go swana ao a dirilwego fa ka Bohlabela a tla dirwa godimo fa ka Bodikela, ka tšhologelo ntle ye nngwe ya Moya wo Mokgethwa mo letšatsing la mafelelo.”

E tla ba Seetša nakong ya mantšiboa,  
 Tsela ya go ya Letagong nnete le tla e hwetša;  
 Ka go tsela yela ya meetse, Ke Seetša lehono,  
 E bolokilwe Leineng le bohlokwa la Jesu.  
 Baswa le batšofadi, sokologang go tšohle dibe  
     tša lena,  
 Moya wo Mokgethwa ka nnete o tla tsena ka  
     gare;  
 Dietša tša mantšiboa di tlide,  
 Ke ntlha gore Modimo le Kriste ke batee.

Oo, e tla ba Seetša ka nakong ya mantšiboa,  
 Tsela yela go ya Letagong kgonthle le tla e  
     hwetša;  
 Ka go tsela ye ya meetse ke Seetša lehono,  
 E bolokilwe Leineng le bohlokwa la Jesu.  
 Baswa le batšofadi, sokologang go tšohle dibe  
     tša lena,  
 Moya wo Mokgethwa ka nnete o tla tsena ka  
     gare;  
 Dietša tšela tša mantšiboa di tlide,

<sup>244</sup> Selo sa go swana Petro a se boletšego, “Anke go tsebje go lena, gore Modimo o dirile yena Jesu wa go swana, yo le mmapotšego, bobedi Morena le Kriste. Sokologang, yo mongwe le yo mongwe wa lena” o rile, “gomme le kolobetswe Leineng la Jesu Kriste bakeng sa tebalelo ya dibe tša lena.”

<sup>245</sup> Anke ke le botše se sengwe. Bjalo ka ge ke be ke bolela letšatši le lengwe godimo ga *tirišotaelo ya ngaka*. Batho ga ba nyake go tsea tirišotaelo ya ngaka. Ge a ne mo—mo moriana woo o ka go fodiša bolwetsi bja gago, gomme o palelwa gape... o gana go e tsea, ga se phošo ya ngaka ge o ehwa. Aowa, mohlomphegi. Ke phošo ya gago, gobane o gana go e tsea.

<sup>246</sup> Gomme bjale, ge ngaka a ngwala tirišotaelo gomme a... gomme o iša tirišotaelo yela go rakhemese wa mpompae, gomme o bea se sengwe ka fale seo se sa swanelago go ba ka fale, se tla go bolaya, le sona. A yeo ke nnete? Ngaka yela o ithutile seo go fihla a tseba go ne bokaalo bja tirišotaelo yela e lego mpholo, go bolaya tšona dikhunkhwane tše di lego ka mmeleng wa gago; gomme go na le sehlare se se lekanego ka fale go palediša mpholo wola gore o se go bolaye. Gomme se swanetše go ba go lekanyetša. Ge o tšhela sehlare se sentši, se ka se thuše molwetsi; wa tšhela mpholo wo montši, o tla mmolaya. E swanetše go lekalekanywa.

<sup>247</sup> Potsišo e bile, “A ga go moreku ka Giliade? A ga go na matwetwe fale?” go boletše moprofeta. “Gona gobaneng bolwetsi bja morwedi wa Ka bo sa bofe.” Bothata ke eng ka kereke? Bothata ke eng re ne dikereke tša kgale tše dintši tša go babja? Gobane re bile le rakhemese tsoko wa mpompae ba fago Tirišotaelo ka phošo. Yeo ke nnete. Ga se nke a re, “Tate, Morwa, Moya wo Mokgethwa.” O...

<sup>248</sup> Tirišotaelo e rileng? Petro šo. Ke ba bakae ba tsebago o be a swere dikgonyo tša Mmušo? Jesu o boletše bjalo. O boletše eng? Ka mantšu a mangwe, o ne enke ya pene bakeng sa Tirišotaelo.

<sup>249</sup> Ge ba kwele lešata le lohle gohlegohle, (Ba be ba goelela, ba goeletša, ba bolela ka maleme, gomme ba ne nako ye bjalo.) gomme ba rile, “Banna ba ba tletše ka beine ye mpsha.”

<sup>250</sup> Petro o rile, “Ba ga se ba tlala ka beine ye mpsha, bjalo ka ge le nagana, go boneng ke iri ya boraro ya letšatši. Eupša se ke se se boletšwego ke moprofeta Joele, ‘Go tla direga mo letšatšing la mafelelo,’ go rialo Morena, ‘Ke tla tšollela Moya wa Ka ntle godimo ga nama yohle. Barwa ba lena le barwedi ba lena ba tla profeta, gomme Ke tla tšollela Moya wa Ka godimo ga balata ba lena ba banna le ba basadi gomme ba tla profeta. Gomme Ke tla bontšha maswao ka magodimong godimo, le tlase lefaseng; mollo, le muši, le moyameetse. Gomme go tla direga gore mang le mang a tla bitšago Leina la Morena a ka se... o tla phološwa.’”

<sup>251</sup> Gomme go ya pele o boletše ka Dafida, o rile, “Mopatriaka Dafida o e bone, gomme o rile, ‘Gape nama ya ka e tla khutša kholofelong gobane A ka se tlogele soulo ya Ka ka heleng, ebile A ka se lese Yo Mokgethwa wa Gagwe go bona go bola.’ Anke ke bolele le lena ka bolokologi, baena, ka mopatriaka Dafida. Yena bobedi o hwile le go bolokwa, gomme lebitla la gagwe le na le rena go fihla letšatšing le. Le a bona, eupša yena, go beng moprofeta, o bone tsogo ya Kriste. Anke go tsebje go lena, gore

Jesu yo, yoo le mmapotšego ka diatla tša bobe, Modimo o Mo dirile bobedi Morena le Kriste.”

<sup>252</sup> Ge ba kwele se, ba ile ba hlabege dipelong tša bona, gomme ba rile, “Banna le baena,” goba, “Ngak. Simone Petro, re ngwalele Taelotšhomiso. Re ka hwetša Wo bjang? Re nyaka kalafi bakeng sa sebe.” Oo!

<sup>253</sup> Bjale mo šetšeng, se a se boletšego. Bjale hwetšang ge eba dikereke tše di fapogile seporong. O rile, “Letang motsotsotso! Ke ya go ngwala Taelotšhomiso, gomme e ya go ba Taelotšhomiso ya Gosafelego. E tla ba ya lena, le go bana ba lena, le go bona bao ba lego kgole, gomme ebile le ba bantši ka fao Morena Modimo wa rena a tlago bitsa.”

<sup>254</sup> O rileng? O e lokišitše bjang? Boka Katoliki e na le yona? Boka Baptist e na le yona? Boka Methodist e na le yona? Yo mongwe le yo mongwe wa bona o okeditše se sengwe goba go tloša se sengwe go Yona. Boka Mapentecostal? Ba okeditše goba go tloša. Eupša o rileng? “Sokologang, yo mongwe le yo mongwe wa lena, gomme le kolobetšwe Leineng la Jesu Kriste go tlošweng ga dibe tša lena, gomme le tla amogela neo ya Moya wo Mokgethwa.” Tirišotaelo ya Gosafelego! “Ke ya lena, le go bana ba lena; ye e tla ba gona gohle go theoga lebaka le lengwe le le lengwe la kereke, go O fa go yo mongwe le yo mongwe wa bona.”

<sup>255</sup> O Modimo, hlwekiša diatla tša ka. Hlwekiša pelo ya ka, Morena. Anke . . . Ge go tsea mogwera yo mongwe le yo mongwe ke nago le yena, anke ke fe Taelotšhomiso ka tsela ye Ngaka a rilego E fe.

<sup>256</sup> Ke lebaka leo le na le dikereke tše dintši tša go hwa, maloko a mantši a go hwa. Le oketša sehlare, gomme le tloša bontši bjalo go tloga go Yona go fihla Taelotšhomiso ga e sa le ka boyona le gannyane, ebile e ka se fodiše selo; go šišinya diatla, le go tšoena dikereke, le go fafatša. Oo, kgaogelo, yeo ga se Taelotšhomiso, yeo ke lehu. Ge o nyaka Bophelo, gomme o nyaka Moya wo Mokgethwa, latela se Modimo a rilego dira. Tsea Taelotšhomiso! Yeo ke tlwa tsela yeo a boletšego, “Se oketše go Yona goba go tloša go Yona.” Gona Kutollo se e a tla thwi godimo gomme e rile, “Mang le mang a ka tlošago goba go oketsa, sa go swana se tlošwa (karolo ya gagwe) go Puku ya Bophelo.” Oo, nna, yoo ke Ngaka ye kgolo. Oo, ke a Mo rata. A ga le?

<sup>257</sup> Oo, go lebaka lela le legolo, la Lebaka la Efeso, ge bohlanogi bjo bo no thoma go hlehlela ka gare, go dira mekgatlo. Gomme badiša le matikone . . . goba e sego matikone, eupša modiša . . . e sego badiša, eupša Dikhadinale, dipišopo, bomopapa, baokamedi ba kereke, ba botša Moya wo Mokgethwa, ba botša Kereke, “Bjale, o ka se be le yeo ka fa!” Molaodi ke mang, go le bjalo?

<sup>258</sup> Petro o botšišitšwe seo nako ye nngwe. Ba rile, “O ka se sa rera Leineng la Jesu gape. O ka rera ge o nyaka, eupša e sego Leineng la Jesu.” Oo, diabolo o hloile Leina lela!

<sup>259</sup> Petro o rile, “A go ntoketše . . .” Beibele e rile, “Petro a tletše ka . . .” (kereke ya leina?) Oo, aa, “. . . Moya wo Mokgethwa.” O rile, “Letang, ke tla ya go bona mookamedipharephare, go bona se a mpotšago go dira ka ga Ye.”

<sup>260</sup> Anke ke le botša. A le a tseba Assemblies of God e na le molekolamonagano go ahlola, le go iša baromiwa ba bona pele ga molekolamonagano, go bona ge eba monna yola o hlalefile go ka ba moromiwa? Pentecostal Assemblies of God. Ke ba bakae ba kilego ba kwa seo? Kgonthé, e gohlegohle, yo mongwe le yo mongwe o a tseba. Kgonthé. Ke mang a tla lekolago moromiwa le go ba moahlodi, molekolamonagano goba Moya wo Mokgethwa? Le a bona, ke seo le se hwetšago, go beng le motho. Le a bona, ditiori tša madirwakemotho, dithuto tša madirwakemotho. Letang go fihla re fihla tlase go lebaka lela la Pentecostal! Modimo o tla tšuma selo sela feela kgonthé bjalo ka lefase. Ee, mohlomphegi. Ee, ka nnete. Gomme le tla bona e swara mollo tsela yohle go theoga. Uh, hum. Tlwa.

<sup>261</sup> Eupša letšatši tsoko la letago O tla tla. Gomme elelwang, theetšang, go ne mabaka a šupago a kereke. A yeo ke nnete? Go ne mabaka a šupago a kereke. Gomme le a elelwang ge ba ile ntle go gahlanetša Monyalwa—Monyadi, ba bangwe ba robetše tebelelong ya pele (A yeo ke nnete?), tebelelo ya bobedi, (Kgonthé, e sego—e sego go hwa, go robala.) tebelelo ya boraro, tebelelo ya bone, tebelelo ya bohlano, tebelelo ya boselela; gomme mo tebelelong ya bošupa modumo o tlie, “Bonang, Monyadi o etla! Eyang ntle le Mo gahlanetše!” Go diregile eng? Dikgarebe tšela tšohle tše di robetše, di phafogile.

Mo mosong woo wa go phadima le go se be le  
maru ge bahu ka go Kriste ba tsoga, (Go se  
be le maru, Dietša tša mantšiboa di tla be di  
phadima.)

Mme moso o hlabu ka Gosafelego, o kganya le  
botse;

Ge baphološwa lefaseng ba tla kgobokana go  
magae a bona mošola wa lefaufau,  
Ge maina a bitšwa godimo kua, ke tla ba gona.

Ge maina a bitšwa godimo kua,  
Ge maina a bitšwa godimo kua,  
Ge maina a bitšwa godimo kua,  
Ge maina a bitšwa godimo kua, ke tla ba gona.

A re kataneleng Mong go tloga leselaphutiana  
go fihla tšatšanasobela,  
A re boleleng ka lerato la go makatša le  
tlhokomelo yohle ya Gagwe;

Morago ge tšohle tša bophelo di fetile, gomme  
mošomo wa rena mo lefaseng o phethilwe,  
Ge maina a bitšwa godimo kua, . . .

Ngwana yo mongwe le yo mongwe wa Modimo phagamiša  
seatla sa gago bjale:

Ge maina a bitšwa godimo kua,  
Ge maina a bitšwa godimo kua,  
Ge maina a bitšwa godimo kua,  
Ge maina a bitšwa godimo kua, ke tla ba gona.  
(Oo!)

Monateng pele le pele,  
Re tla kopana ka lebopong le lebotse lela;  
Monateng pele le pele,  
Re tla kopana ka lebopong le lebotse lela.

<sup>262</sup> A le rata dipina tša kgale tša kereke? Oo!

Go Tatago rena motlalagohle godimo,  
Re tla neela mantšu a rena a tumišo,  
Bakeng sa mpho ya letago ya lerato la Gagwe,  
Le ditšhegofatšo tše di thakgago letšatsi la  
rena.

Monateng pele le pele,  
Re tla kopana ka lebopong le lebotse lela;  
Monateng pele le pele,  
Re tla kopana ka lebopong le lebotse lela.

Bjale šikinya diatla le yo mongwe tikologong ya gago, bohle  
tikologong ka mokgwa woo. Yeo e lokile.

Monate pele le pele, (E re, “Ke tla kopana le  
wena ngwanešu.”)

Re tla kopana ka lebopong le lebotse lela;  
Monateng pele le pele,  
Re tla kopana ka lebopong le lebotse lela.

Re tla opela ka lebopong le lebotse lela,  
Pina ya molodi . . . (Yo mongwe le yo mongwe a  
e opele bjale.)

Gomme moyo wa rena o ka se sa swaba gape,  
Go se mofegelo bakeng sa ditšhegofatšo tša  
rena tša khutšo.

Yo mongwe le yo mongwe, ka diatla tša gago godimo:

Monateng pele le pele,  
Oo, re tla kopana ka lebopong le lebotse lela;  
Monateng pèle le pele,  
Re tla kopana ka lebopong le lebotse lela.

<sup>263</sup> Ka dihlogo tša rena di inamišitšwe bjale, a re boleleng se:  
Morena Jesu, [Phuthego e re, “Morena Jesu,”—Mor.] Ke a Go  
rata. [“Ke a Go rata.”] Ke a dumela [“Ke a dumela”] gore

Jesu Kriste [“gore Jesu Kriste”] ke Morwa wa Modimo, [“ke Morwa wa Modimo,”] Modimo a bonagaditšwe [“Modimo a bonagaditšwe”] mo nameng [“mo nameng”] go tloša sebe sa ka. [“go tloša sebe sa ka.”] Ga ke tshepele bokgonging bja ka, [“Ga ke tshepele bokgonging bja ka,”] ga ke na bjo, [“ga ke na bjo,”] eupša ka go tia ke [“eupša ka go tia ke”] tshepile [“tshepile”] mabokgonging [“mabokgonging”] a Jesu Kriste [“a Jesu Kriste”] yo a lego Mophološi wa ka, [“yo a lego Mophološi wa ka,”] Modimo wa ka, [“Modimo wa ka,”] Kgoši ya ka. [“Kgoši ya ka.”] Ke a Morata. [“Ke a Mo rata.”] Amene. [“Amene.”]

<sup>264</sup> Gosasa bošego ka iri ya bošupa, Morena ge a rata, re tla tšeа kereke ya Simirana.

Monateng . . . (Ka dihlogo tša rena di  
obamišitšwe bjale) . . . Oo, pele le pele,  
Re tla kopana ka lebopong le lebotse lela, pele  
le pele;  
Monateng pele le pele,  
Re tla kopana ka lebopong le lebotse lela.

Bjale ka boleta, yo mongwe le yo mongwe, ga bosе:

Oo, go Tate wa rena wa go huma wa godimo,  
Re tla neela mantšu a rena a tumišo,  
Bakeng sa mpho ya letago ya lerato la  
Gagwe . . .

[Ngwanešu Branham o a tloga mola phuthego e tšwetša  
khorase pele—Mor.]



*LEBAKA LA KEREKE YA EFESO* NST60-1205  
(The Ephesian Church Age)  
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane Mošupologo mantšiboa, Desemere 5, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)